

UMUSEBANYA PA MULANDU WA CEBO

 Natotela, Munyina Neville.

Natile kuli Munyina Neville, “Bushe naushininkisha ukutila taukwete ukusubwa ukunono muno lucelo?”

² Ndesa mukupepelela abalwele. Kwaliko abantu abakolongene muco ifwe...kumaca pa Mulungu umo. Ebo Nsanga kulya, Mbebafyе baisa kuno ku chalichi. Kibili Ine—Ine lyonse ndetontonkanya ukuti cawamishapo ukupepela abalwele pano pene pa chalichi. Nshishibe. Nalitemwa ukwisa ku chalichi, kibili ukwisa kuno kwine uko ulukuta, uko abantu kuno besa mukupepa.

³ Kibili kwaliko umukashana umunono kunuma kulya, umukashana umunono uwayemba ukucila, mulandunshii, Ndetontonkanya ukuti naikala pa ncende imo kunse kuno nomba, abantu nga tabaciya ku ng’anda. Oh, Namona nomba. Kibili ako ekayemaba nganshi. Kibili mulwele nganshi. Kibili twaleumfwa, ilyo twaumfwle imbila ya ndimi no bwilulo ifya cilalandwa. Kibili twalumfwile, kibili twatontonkenye ukutila icintu cimo calilandwa pa mukashana umunono. Kibili twalelolela ukumona nga Shikulu alipela imbila, ifyakusosa mulya. Lelo Ndetontonkanya ukuti umukashana umunono alifye bwino nomba, kibili ali nokuba umutuntulu. Kibili e ico...

⁴ Kibili kwaliko na mayo uyo walufishe ukumona kwakwe, nao, kibili ifwe twalemupelako. Kibili no mwaume muli motoka yakusenda abalwele kunse kulya, kapyunga. Nshiletunganya umwaume nga alifina ama pound amakumi yatatu na fisano, atemwa amakumi yane. Fye—nganshi, sana... Kibili e ico Nalishile mukubapepelako.

⁵ Kibili umulandu Nabelele uwashinga shinga, iyingi, cementi yamumeno yalpona ukufuna mulino lyandi. Kibili Ndelishisha ne mwine, muno lucelo, ukucilinganya ilye ncende ukufuma mu malanda yandi kulya, kuntanshi kulya. Kibili balenjeba nomba ukutila Mfwile ukuyapeleshapo, nokubikapo utwakufimbapo. Kibili eico ubukalamba buleisa bulebendela, ecofyе Njishibe. Kibili Nalikwete ukwisusha muli lilya limo, kibili citika we lino, kibili ilyo Natampile ukulanda, kuti mwacumfwa, umwela walefuma, na—na mwishiba ifyo Ndepilibula, ukupita pamilomo. Kibili cilenga ukukana lumbula amashiwi bwino, ifyaba ngefyо.

⁶ Tuli abantu abashuka ngashi ukuba nomweo muno lucelo, kibili ukukwanisha ukwisa ku chalichi. Kibili pabushiku ilyo i

Ciminshiminshi tacilafika, ilyo tulelolela ukusefya uko bakwata, uko, Ndi—Ndinesubilo ukuti Ndi... Abana banono nabafulisha muno luno lucelo, eico Ndebafyе shilili. Mwamona? Kibili fwe bakalamba, inshita shimo, tulalandia ifintu ifyo abana tabafwile ukumfwa, namwishiba.

⁷ Lelo, Ndetontonkanya ukuti ichalichi nacikwata ifya bupe pano ifyabana banono, pnuma yakashita. Nacilamonapo, kunuma kulya. Oh, mulefwaya ukwikala. Panuma ye sukulu lyapa Mulungu, mulolelekofye, mwamona, pantu Nde—Ndedetontonkanya ukuti nabakwata ifyabupe kunuma kulya ifya bana banono, ifyakupela muno lucelo. Kibili ilyo Na... Imwe mwe bana banono, ibukisheni, ilyo tulecita ici, Ndefwaya ukulenga ici ukumfwika bwino, uyu te Santa Claus, pantu ilyo elayashi muka sambililapo ubushuku bumo ukutila tacaba nangu cimo cena. Lelo cena cifumine kuli Yesu Kristu, Icine ica fishinka fyonde, mwamona, u Mwana wakwa Lesa. Kibili tulemupela icabupe icinono, luno lucelo, pantu tulefwaya ukuti mwishibe ukutila inshita imo Lesa apele icabupe icacilapo icingapelwa kumutundu wamuntu: u Mwana Wakwe. Kibili twalikwata inshila iishawama iya kucilondolwelamo. Kibili ico twingapela icingalinganishiwa naco. Lelo nga abantu abafwa, umo ku mubiye, tulacita ico.

⁸ Nomba, Naciba no kulolela mpaka pa Mulungu uleisa. Kibili Ine nalimo nkacita ico, nangu cibefyo, pacintu cimo ico Nalefwaya ukusosa. Kibili ientu cimo cali—calilengwa ukwishesibika kuli ifwe, ku ng'anda, palwa cimonwa, ico Mfwile nakonka. Kibili caliba ica... Caliba icapala, mukumoneka, kuti caba icakalabana, lelo tatulefwya ukutontonkanya ukutila ifyo Lesa alanda fyalikalabana. Ena—Ena ifisendo fyakwe fyalyanguka.

⁹ Kibili ifi cili icakuti pa Mulungu uleisa, Lesa nga atemwa, tuli nokukwata u—ukulongana pabushiku bwakutila masosha Kusefya Umwaka Upya, nga cakuti Shikulu cikamusekesha ukuti ifwe tukakwate uku kulongana. Kibili tulefwaya ukukwata ukulongana kwa lucelo, ukupepela abalwele, nalimo umulimo wa lubatisho. Kibili Natontonkenye ukuti, kuti twacisabankanya kubanensu, icakuti bengesa. Nomba tukakwata pa Mulungu ulucelo na pa Mulungu munshita yabushiku. Kibili nomba abantu balefwaya ukwikala ukufika kukusefya Umwaka Upya, ninshi natukwata i... Ali no kukwata Ukulola, uno muku? [Munyina Neville atila, “Ee.”—Kale.]

¹⁰ Kukaba bakapyunga abengi kuno, bakalalanda munshita yabushiku iya Mwaka Upya ukufika pakati kabushiku. Kibili—kibili tuleita bakapyunga aba musango ulya ukwisa no kulanda. Shikulu nga asuminisha, Ndefwaya ukuba umo pali bena uukwete icintu cimo icakulandapo mu nshita ya bushiku bwa Mwaka Upya.

¹¹ Kibili pa bushiku bwapa Mulungu uuleisa, Natontonkenye ukutila kuti Naleta umulongo wafintu ifilecitwa, ifyacitwa, ukulangisha ifyo Lesa alebomba na bantu Bakwe, no kuciletafyne mu—ukusondwelela muno mu chalichi.

¹² Kibili mwebengi mulesunguka pali ici cacitika ica musonko ico tulepitamo. Cena calibombwapo. Kibili eico Ndefwaya ukumweba ifyo cilya cacitike, pamo. Kibili Ndetontonkanya ukutila, kuti caba, ukucilandapo nakabili, pa bushiku bwa Mulungu uuleisa, eico Nkalolelafye pa Mulungu uleisa. Kibili nokwesha ukulanda kuli imwe panono, muno lucelo, ukufuma mu Cebo. Mwamona? Kibili pa Mulungu uleisa, Nkesha—ukwesha ukucita ico, nga Lesa asuminisha, ukumweba ifyo cili, nokuleta kuli cila cimo cimo pafintu ifyo Shikulu asosele, kibili mukese mona ifyo cikomapo palyapenefye petoni. Mwamona? Ena talanda icintu nangu cimo icalubana.

¹³ Lelo, nomba, icintu cimo ico Ndefwaya ukusosa muno lucelo, ukutila nalimo Nshacite, nshakacite pa bushiku bwapa Mulungu uuleisa, cili palwa cintu cimo icacitike mailo. Naciba uwashinga shinga pakwisa luno lucelo, pantu Ndi ngo walelepulwa, eico Nshi—Nshileumfwa ukufikapo. Lelo pakuba ukutila ndi pano, ukuba, Nalaesha ukumona apo Ningafika.

¹⁴ Bulya bushiku, Nalitandalilwe, Munyina na Nkashi Sothmann, nga ffintu mwishibe pano, umo pabauwa bacetekelwa abamu chalichi, kibili umukashi wakwe, aishile mukutandalila umukashi wandi na Ine. Kibili twalelanda pa kulongana kuleisa mu Phoenix ne ncende shashiguluka, nga cakuti bufwayo bwakwa Shikulu. Kibili twaikele ukufika nalimo teni-sate, Nde elenganya, kibili Nalile sendama inshita mupepi na leveni.

¹⁵ Kibili pakashita kamo munshita ya bushiku, Nalotete iciloto. Kibili muciloto Namwene bambo abaali nokuba bataata; abakalamba, abantu bapamfuka, baleimininakofye, mukuciminika, bataata. Nalimwene namayo, tamoneke nga bamayo; lelo, nomba, ena alingile ukuba ba mayo. Kibili naba abaume (abaali nokuba kwati niba bataata, abalume ba uyo namayo) balemusunga buluku buluku, ngafintu bakwete ulubao ulukalamba, kibili kuti bamwimya pamulu nga *ifi* nokumulopola necipandwa calubao, kibili ena kuti apona no kuya kuya pansi. Kibili nomba—kibili nomba, panuma yakashita, kuti aim aima nakabili. Kibili kuti aisa, apanga kwati kumuma nakabili, aisamuma nakabili. Kibili Naiminine akatalamukila, ndetamba ico.

¹⁶ Mukulekelesha, Naishilenaka naco. Kibili Nali umunono nganshi kumushinku wa aba abaume, alingile ukuba nga batata. Eico Naile kuli bena nokubika umunwe wandi pa cinso cabu. Natile, “Mwimumamo nakabili.” Mwamona? Kibili ilyo Nacitile ico, icintu cimo catampile ukucitika.

Amaboko yandi yatampile ukututumuka, Naishilekula, iminofu iyafimba iyakosa. Nshatala monapo bakapafu aba musango filya. Kibili Nabulile fye umwaume mu nteneshi, kibili Natile, "Mwimumambo nakabili. Ngacakuti mwacita ico, mulinokumonana naine nga cakuti mwamumambo nakabili." Kibili abo baume baishilentina, nokumusha. Naishile buuka.

¹⁷ Ukuba, ukulala mulya, mu kashita fye akanono, nifyofine, ukuwilula kwacilya ukwalishile. Ico caali, nifyofine, namayo, mukulanda kwakwimininako, ci Chalichi, icili kwati ni nyina. Wishi cilonganino pali ena, ico iciteeka pa Chalichi, ngo mulume pa mukashi. Kibili nifi ifilonganino ifileuma i Chalichi, kibili tafi Muleka ukwiminina pamakasa Yakwe nga filya. Ukubafye, inshita yonse Aesha ukwiminina nangu ukucita icintu cimo, bena, abantu bamulya, icilonganino cila Muposa pansi. Kibili cilepilibula ukubika imo—imo iminofu yacitetekelo kunse kuno ukuti ntwalilile ukubika umunwe wandi kulya, nokutila, "Ulemonana na ine. Mwamona?" Pantu, kuliko abantu bambo mulya abakwa Lesa. Kibili cilya califye bwino. Palwa . . .

¹⁸ Twali kulya nalimo ama ora yabili, atemwa yataatu, Nde elenganya. Kibili umwana wandi umwanakashi, umo pali bena, Rebekah, kunuma kulya, kunuma kulya, abombela ku Cipatala ca ba Methodisti mu Louisville. Aba, oh, balya abashilaishibisha ablekansha ba nursi. Ba "bombarfye ukwabula amalipilo," efyo babeta, nangu icintu cimo icapala ngeffyo. Kibili ena aali, ena . . . Balimwitile ukwisa lulya lucelo, kibili ico ecanjimishe. Kibili cali ulucelo celo, na ena, pamo nabo basambilila nabo pamo kuno, ba—babomba pamo kulya, kibili nali nokubatwala kulya ku Louisville. Baali nokuba kulya pa teni koloko. Kibili abakashi basungwike umulandu bafililwe ukwingila kumuputule wabusansi. Nalikomeneko.

¹⁹ Nomba, Nalikwatapo ifintu ifingi ifya kucitika mumweo wandi, lelo Nshatala kwatapo icintu ica musango nga ulya. Naile mu cimonwa. Nshishibe ubwilulo. Nshatala nkwatapo icintu ica musango ngoyo mumweo wandi. Lelo, ku ntanshi yandi, camoneke kwati Naishile iluka ukutila cali cimonwa, kibili nali mucimonwa. Lelo Nalelanda nomwana wandi, Joseph. Cali ukuti, ena taali mumuputule pali ilya nshita. Lelo mu nshila imo, nga fintu canjikete, Nalelanda na Joseph.

²⁰ Kibili Na—Nalolekeshe mu mulu. Kibili kwati mu musango wa pyramidi, yaminine ku ntanshi yandi, twali utunono, utuni utunono, icapala citika wa inchi mubutali. Kibili bena bali, pamulu, pamisambo, kwaliko i . . . nalimo ukusosa, itatu atemwa ine. Nomba, icakonkelepo, umusambo wakonkelepo wakwete cine konse konse nangu ikumi. Kibili pesamba pansi, pali ikumi limo natusano nangu amakumi yabili.

²¹ Kibili twali utunono utwabulwi, pantu amasako yatuko yali ayapumwa, kibili camoneke kwati twaleesha ukulanda na ine,

ukulanda icintu cimo. Kibili Nali ku Mboshi, ukumoneka nga ku Tucson, ku Arizona. Kibili utuni twalelolesha ku Kabanga. Kibili Naleumfwa ndekutika nimposako amano. Twaleesha ukulanda, camoneke kwati baleesha ukunjeba icintu cimo. Kibili twalikwete utumasako utunono, nabatupuma, nefintu. Twakwete ifibala-fyabulwi. Nomba, mu kupumikishafye, icuni cimo catendeke ukusenda icifulo cacinankwe, ukulatoloka nga *filya*. Kibili twena, utuni utunono twaile, tulepupukila ku Kabanga.

²² Kibili ilyo twacitile ico, ukufuma kuli cilya kwaishile icuni icikalambako, icapalako inkunda, na mapindo ayasompa. Kibili—kibili—kibili twaishile mwibumba, ulubilo nganshi ukucila ifyo ifyuni ifinono fyali, fyapupukile lwakukabanga.

²³ Kibili Nali muli yabili...bakampingu capamo, Nalishibe ukuti Naliminine kuno, kibili Nalishibe ukuti Nali kucifulo cimbi. Mwamona? Kibili Natontonkenye ukuti, “Nomba, ici cimonwa, kibili Ningile ukusambilila ifyo ici cilepilibula.”

²⁴ Ibumba lyabubili ilya tuni atwisa, Naloleshe ku Mboshi. Kibili camoneke kwati ni mumusango wa pyramidi, nga tubili kulubali lonse, nacimo pa mulu, twaishile basano pabakwatisha amaka ba Malaika abo Natala monapo mumweo wandi. Ulubilo ulwine lwine, uo Nshatala monapo. Imitwe naiposwa kunuma, namapindo Yabo ayasompa, balepupuka ulubilo nganshi! Kibili amaka yakwa Lesa Uwamaka yonse yalinjikete, mu musango umo, mpaka Yanjimishe ukumfumya pamushili, inshila yonse ukumfumya pamushili, pamulu.

Naleumfwa Joseph acili alelanda.

²⁵ Kibili caumfwike kwati icicinga iciunda calelepuka, ukuti—ukuti ukubuluma ukukalamba kwalicitike, ukutali, ku Masamba. Kibili ilyo ba Njimishe pamulu... Kibili kwali ukubutuka kwaba Malaika ukwine kwine! Kibili Nde—Ndeba Monafye nomba line, mwamona, ilyo—ilyo Baleisa, mumibele nga *filya*, ukupupukilafye muli ine.

²⁶ Nomba, tekulota, nomba. Iyo. Nalifye kulya kwine, nimbukafye ngefyo Ndi nomba. Mwamona?

²⁷ Lelo ici Caishile. Kibili Balebuuka icine cine, mpaka Natontonkanya ukutila, ilyo Yaimine... Naumfwile ico icapokele, kwati, nangu kwati cakupoka icapokele, kwati cakucingilila iciunda. Kibili ilyo cacitile ifyo, Natontonkenye ukuti, “Ukuba, ici cilingile cilepilibula ukutila Ndeipekanya ukwipaiwa, mwamona, mukupoka kwa musango umo.” Kibili—kibili Ine fye... Ilyo Natontonkenye pali filya fintu, Natontonkenye, “Iyo, cena tekuti cibe cilya. Pantu nga cali cakupoka, nga calisendele Joseph, pamo, Pantu ali palya, alelanda, aletontonkanya ukutila epo Ndi. Ndемумфва. Tacali ico.”

²⁸ Nomba, ici conse cicili mu cimonwa. Cena tacali... Mwamona? Cena cali mucimonwa.

²⁹ Elyo kibili, pamukufye umo, ilyo Naishileishiba ukuti Naciba... Balinshingulwike. Nsha Bamwene, lelo Naliletelwe muli ili bumba lya ntanda ilya pyramidi Yabo, mukati ka ili bumba lya—ilya ba Malaika, aba basano. Kibili Natontonkenye ukutila, “Nomba, Malaika wamfwा akaba umo. Basano bakaba inkumbu.” Naletontonkanya cilya. Natontonkenye ukutila, “Oh! I—Ileisa ne Mbila yandi. Uko eku fika kukusondwelela ukwacibili ukwandi. Baleisa mukundetela i Mbila ukufuma kuli Shikulu.” Kibili Nalibilikishe namaka yandi yonse, ukubilikisha apo Ningapela ukutila, “Mwe Yesu, nicinshi ico Imwe mwinglefwaya ine ukucita?” Kibili ilyo Nacitile ico, Caishilefye—caishile fumafye pali ine.

³⁰ Nsha—Nsha—Nshaumfwapo ukulungamikwa ukutula ilya nshita. Mwamona? Nali, akasuba konse mubushiku bwa mailo, Naikalefye mung’anda, mupepi nokumfwa kwati temubili wandi. Ndefilwa ukumona ifintu bwino. Kibili ubukata namaka yakwa Shikulu! Nali necifungalashi konse, ilyo Canshile. Nalelesha ukufikina amaboko yandi. Kibili Natontonkenye ukutila, “Ndefilwa ukupema bwino.” Kibili Nalyendawike, ukupitana, naya kibili nabwela. Naletontonkanya ukutila, “Bushe cinshi cilepilibula ici, Shikulu? Bushe cinshi cilepilibula?” Nomba, Naliminine. Nokutila, “Shikulu Lesa, umubomfi Wenu ali... Ine—Ine tekuti njilukefye. Mulandunshii? Cilya cali nicinshi? Ukulenga caishibikwa, Shikulu.” Ukuba, ilyo i... .

³¹ Ine tekuti mwebe palwa, ilyo Nasosa ukutila, “Amaka yakwa Shikulu.” Takwaba inshila nangu imo iya kulondolola cilya. Tefintu muleumfwa pano, mumapalo. Ayo mapalo yakwa Shikulu. Ici cabulesa! Oh, owe! Cena cili—cena nacacila icintu conse ico umuntu uufwa engelenganya. Mwamona? Kibili cena—kibili cena calensakamika, mumaka. Tacili... Temapalo. Cakucusha. Nausakamikwa. Mwamona? Filya efyo cili. Nga kutifye mwa... .

³² Nga kuti Nasendafye inshila imo iyo Ningebelamo abantu ifyo cilya cali, nangu ifyo cena... ifyo ukucumfwa cali! Cena, tacali ngokwikalafye palya, kufwaya ukuwanga. Cintu—cintu cimo ico imishipa yamumubili yonsefye i... calicila pacakutinya. Calicila pacakuleta umwenso. Cena mucinshi wa mushilo. Aka... Ine... Tapali inshila iya kucilondolwelamo. Ukuufika, mpaka, inuma yandi, pamulu-na-panshi mumongololo wandi, ukupita muminwe yandi, pamulu-na-panshi pamakasa yandi notukondo umubili wandi onse walikwete icifungalashi, mwamona, kwati na—naufuma mucalo, kuncende imo. Kibili—kibili caitampa ukunsha, panono panono, kibili Natile kuli Shikulu, “Bushe teti Muleke naishibafye, O mwe Lesa?”

³³ Ndeelenganya, ukutila, inshita yapalaminako iyo naishile kwata yalya amaka nakabili, cali ilyo Nali mu Zurich, ku Switzerland, ilya nshita ilyo Anangile Kapumpe waku Gelemani aletamba ulya kanina-wapali kabalwe umu Ngeleshi aleisa alepita mu Africa. Kibili Atile, “Bonse balibembuka nokupelebelu ku bukata.”

³⁴ Kibili Nalelilila kuli Shikulu, ukungafwilisha. Kibili Nde—Ndefwaya Ena ukumpela ubwilulo, pantu Nalisungwike nga cakuti capilibwile—nga capilibwile ukutila Nali nokufumapo, Nali nokwipaiwa. Kibili nga efintu cali, Nshali nokukana ebako ulupwa palwa ici. Ninshita yandi iyakuya ku Ng’anda, mulandunshi, Ndeyafye ku Ng’anda, efyonse palwa ico. Lelo nga—nga filya efyo capilibwile, Nshalefwaya ukweba ulupwa, nshalefwaya ukwishiwa nangu cimo palwa cena. Lekenifye cicitwe, kibili cilya—cilya kuti caba fyonse palwa cena.

³⁵ Natile, “Shikulu, ngafwilisheni. Nshilefwaya ukweba ulupwa, nga—nga cakuti Imwe muli... Ici, bwite bwandi ukuya ku Ng’anda, ukuba, Ndi—Ndi nokuya.” Mwamona. Natile... Kibili, namwishiwa, imwe muli...

³⁶ Mwatila, “Ukuba, mulandunshi ta watontonkanishe pafyo wasosele mu cimonwa, ifyo icimonwa casosele?”

³⁷ Lelo tekuti utontonkanye pafintu ifyapala ngefyo nomba. Iwe... Ine tekuti, nangu cibe ifyo. Kibili Natontonkenye... Nalifye uwacushiwa, uwaumfwa ububi. Tawishibe ifya kutontonkanye. Tekuti utontonkanye.

³⁸ Kibili Natile, “Shifwe uwa mu Myuulu, nga cilya capilibwile ukutila—ukutila ukupoleka kwali no kunsenda, ukuba, lekeni njishibe nomba, eico Nshili no kusosapo icintu nangu cimo palwa cena. Lekeni ubukata Bwenu namaka fise pali ine nakabili, kibili finjimye nakabili. Nangu, lekeni ubukata Bwenu bwise pali ine, kibili lyena Ndi—Ndi no kwishiwa ukutila capilibwile—cena capilibwile cilya kibili icakuti Ningacisunga nasunga palwandi nemwine.” Kibili tapali icacitike.

³⁹ Eico nomba Natile, “Kanshi, Shikulu, nga cilepilibula ukutila Muli nokutuma Inkcombe Shenu ku mulimo wandi, kanshi lekeni amaka Yenu yese nakabili.” Ico kwati camfumishe mumuputule!

⁴⁰ Nangula, Ine—Ninjisa ne mwine, na Baibele yandi muminwe yandi, nomba, mwamona, kibili ukulomba Lesa ukungafwilisha. Kibili ilyo Nacitile ico, Ena—Ena anangishe icintu cimo mu Malembo, ica kuminefye kuli cena, palya pene. Kibili Natontonkenye ukuti, “Bushe cilya mucituntulu kuti caba cilya? Musango nshi Nacitilemo cilya?” Kibili, oh, Ine—Ine tekuti nondolole ifi fintu, mwe bantu. Cena cacila pa cintu icili conse ico Naishibapo. Mwamona?

⁴¹ Umukashi wandi ni namayo uwaibela nganshi, umo pa bawamisha mwisonde. Lelo, pakashita akanono, Nshacisosapo

nangu cimo palwa ico. Nalile pantanshi. Alishibe ukuti pali icintu cimo icacitike. Eico ilyo Namwebele, atile, "Nawishiba, Bill, Ndekumona nokukumfwa, mufintu ifingi." Atile, "Nawishiba Nalicetekela nomutima wandi onse," efyo asosele. Atile, "Lelo cilya mucine calikwete icintu cimo."

⁴² Cena cilemoneka, cilensunkanya, uko kupoleka kibili nokwisa ukwakubutuka ukwa ba Malaika nga filya, basano aba bena capamo, mwi—mwibumba ilya bena. Icapala, ukupalako—ukupalako nga fintu Nakwete ilya pyramidi iyo banengele apa, mwamona, bamoneke ukuba, pakubala, balemoneka kwati, icapala i...akatalamukila, bamoneka kwati lilangi lyu nkunda. Kibili bena bali mu—mukwisa ukufuma kuli *ulu* lubali. Kibili bena bali, ukumoneka kwati, umo, babili; batatu, bane; kibili nomba umo ali pamulu, mwamona, ukupanga basano. Kibili baishile balebutuka nganshi! Takwali nangu cimo, takwali indeke, takwali nacimbi cimo icingalingana na *ico*.

⁴³ Kibili Nalebamona, nemitwe yabo naba pilibwila-kumbali. Amapindo ayo nabatwala kunuma, abafwala—ifyabuli ifyapwililika, kibili baishile, ukubutuka “Whew!” Nga *filya*. Baishilefyе panshi, nokunsenda muli pyramidi yuu uwebumba lyabo. Nalimwene ukuti Nali ima, pamulu ukufuma pa mushili. Natontonkenye ukutila limbi...Na umfwile, ukutali akatalamukila, uko ukubuluma, “Whoom!” Kwati ni—ni—nindeke ilyo yabita mucakucingilila iciunda, mulomfwa cacitika ifyo, kwati kubuluma kuncende yapatali.

⁴⁴ Natontonkenye ukutila, “Ici kuti capilibula nomba, ilyo nomba ici icimonwa nga cansha, ukutila Ndinokufwa ku cakupoleka nangu icintu cimo.” Natontonkenye ukutila, “Pano apo Ndi. Ninsumbulwa. Ine...bena, epo bali pancende imo, Ndi—Ndi muli iyi, iyi pyramidi yaba Malaika. Lelo, Nshi—Nshishibe. Nalimo Shikulu aleisa mukunsenda ku Ng’anda.”

Nomba Naumfwile Joseph panshi pakya, aletila, “Taata?”

Natontonkenye ukutila, “Iyo, nga cilya eco, cena nga calimusendele, pamo.”

⁴⁵ Nomba Icintu cimo catile, “Iwe...” Ibukisheni, Ndelolela, ukumona i Mbila iyo lyonse Nalefwaya ukumona yaisa, icintu cimo.

⁴⁶ Kibili icimonwa, ubushiku bumbi, namwishiba, kibili Nalikwete kuno tapapitile inshita, ukunjeba palwa ico cali nokucitika, ifyo Naleshimikilamo, ukufuma pa kasuba, ukwisa muli iyi ncende. Kibili—kibili lnomba Atile, “Nomba ibukisheni, ukusondwelela kwacibili klui nokwisa.”

Natontonkenye ukutila, “Kukaba i Mbila.”

⁴⁷ Ibukisheni i Mbila yandi pano? Ukwisula kwa lilya libwe ilya kutenteka pamulu, uko, yalya amashiwi cinelubali

ne fikakatikilo ifishalembwa na mu Cebo cakwa Lesa. Muleibukisha? Kibili cena calintwele muli ilya pyramidi.

⁴⁸ Kibili Junie Jackson, nga cakuti epoli pano, cilya ciloto ico wampele pakashita akanono akapitile. Nshacilande luno lucelo. Imwe mwali nganshi... Lesa ali mukupwililika nganshi. Kibili munjeleko pa kukanamupela ubwilulo; pantu, Nalimwene icintu cimo cileenda.

J.T., icintu cimo cine, mwamona. Kibili Na—Na—Nalishibe cilya.

Kibili Nkashi Collins, umusango umo winefye. Mwamona?

Kibili mutanda uwa balya, ukutungululafye filya fine kucintu cimo cine.

⁴⁹ Kibili nomba icimonwa ico Namwebele imyaka yonse, iyapitapo, cacitike fye ubushiku bumbi. Mwamona? Cilya cali nokucitika.

⁵⁰ Kibili ico cili apa, nacilambalala icalungama, fyonse nafilambalala ifyalungama. Kulikofye icilesela. Nshishibe ifyo cena cili. Lesa ngawwilisheni; lipepo lyandi.

Natupepe.

⁵¹ Shifwe wa mu Myuulu, ifwe tuli—ifwe tulifye abantu abafwa, kibili natwiminina muno lucelo. Kibili, Shikulu, Ine... Mwalintuma ukutungulula akamukuni akanono neli ichalichi. Kibili Ndikumpela yandi. Nshishibe ni nshilanshi, nicinshi, nikwisa, uko kuleisa. Lelo Nalishiba ici icintu cimo, ukutila, Mwatile Muli nokupanga “ifintu fyonse fibombela mubusuma kuli abo” aba Mutemwa kibili baitwa ukulingana no mulimo Wenu. Ndepepa kuli Imwe, mwe Lesa, ukutila ukuboko Kwenu ukukalamba ukwa luse kwalaba pali ifwe.

⁵² Ifwe mucine twalishiba ukutila Imwe muli Lesa. Kibili twalishiba ukutila Tamuli abaikele munshiku shapita, lelo Muli bamweo neleelo. Mwali lyonse Lesa. Mukaba lyonse Lesa. Mwali Lesa ilyo takulaba inshita, kibili Mukaba Lesa ilyo takwakabe inshita nakabili. Mukatwalilila ukuba Lesa.

⁵³ Kibili twaba mumaboko Yenu, Shikulu. Tuli ibumbafye, kibili Imwe muli Wakapanga, Kabumba. Tungululeni imyeo yesu, Shikulu, munshila iiga kwata ukubomba ukwawamisha uku Micindika. Peleni ici, Taata. Tulifye mumaboko Yenu.

⁵⁴ Tatwakwete inshila iyakuileta pano, kibili tatwaishiba ifyo tukafumapo. Shikulu, Mupela kuli ifwe umweo, kibili na Mukwata... Twabweseha imyeo yesu kuli Imwe, kibili, muli ifyo, Mwalitupela, mukukabushanya, u Mweo wa Muyayaya. Icicetekelo cesu cipemena ico mumyeo yesufye. Kibili twali Mutemwa pali ici, pantu twalishiba ukutila ubushiku bumo tukesa Mumona, kibili Mukaba mu bukata Bwenu. Kibili tukesa Mumona. Kibili tulafuluka ukumfwa ayo mashiwi ayaleti, “Nacibombwa Bwino, we musuma kibili uwacishinka

umubomfi wandi. Ingileni mukusangalala kwakwa Shikulu, uko bamipekanishisha ilyo umufula wesonde taulabako.” Mpaka ilya nshita, O mwe Lesa, ilyo ifwe bonse tukakumana, tutungululeni.

Ifwe tuli babomfi Benu, kabilo tulelomba ubwelelo pamembu shesu.

⁵⁵ Ifi fimonwa ifyamaka, Shikulu, fyaba ifingi nganshi kumubomfi Wenu. Nshishibe ifyakucita. Nji—Njishibefye ukuti filesa. Kabilo kuti Nasosafye ifyo Namwene, kabilo nefyo calandilwe. Kabilo inshita shimo cilantinya, Shikulu. Kabilo Nde—Ndasunguka ifyakucita.

⁵⁶ Nomba Ndaseda Baibele no kubelenga mulya ifyo Esaya afwile aumfwile bulya bushiku mwi tempile, ilyo amwene balya ba Malaika, nafigma amapindo pa makasa Yabo. E mulandu wine alibilikishe ukutila, “Akalandu kuli ine! pantu amenso yandi na yamona ubukata bwakwa Shikulu.”

⁵⁷ Kabilo cali ni lilya ilyo kasesema abilikishe: panuma ena awamishiwa mwi tempele, ilyo Malaika asendele ulumano no kubuula ilasha lyaa Mulilo no kulibika pa milomo yakwe; panuma alandile ukuti aali umuntu wa miliomo yabipa, nokwikala pamo, pabantu ababipa. Lelo, aali ni kasesema. Malaika asendele ulumano nokubika ilasha lya Mulilo pamilomo yakwe nokumuuwamya, nokutila, “Nomba kabiye, kaseseme.”

Shikulu Lesa, Esaya ali lilile, “Ine Ndi pano, Shikulu. Ntumeni.”

⁵⁸ Ilyo, Atile, “Ninani alatwilako?” Kuli ilya iibifi kabilo nkulo iya bucende!

⁵⁹ O mwe Lesa, lekeni cibwekehiwepo nakabili. Lekeni cise nakabili, O mwe Shikulu. Tumeni Mupashi wa Mushilo no Mulilo wakuuwamya. Pantu, Ndeyebelela, Ndi milomo iyabipa, kabilo njikala muli ili sonde pano pamo nabantu ababipa. Kabilo tuli ababipa ku cinso Cenu, Shikulu. Lelo, oh, tumeni amaka aya kuuwamya, u Mupashi wa Mushilo! Tuwamyeni, Mwe Shikulu. Wamyeni umubomfi Wenu, Shikulu.

⁶⁰ Kabilo nomba landeni, Shikulu. Umubomfi Wenu alekutika. Ndefuluka ukumfwa lilya i Shiwi. Ndi Wenu. Momfyeni, Shikulu, munshila Mwalamona, ilyo Nalalambalala palwandi pa cipailo Cenu. Lekeni u Mupashi wa Mushilo ungwamye, Shikulu; nokusuba nokutuma, Shikulu, nga Mulefwaya umuntu umo ukuya, nga cakuti ino ni ora kabilo ino enshita.

⁶¹ Nshi—Nshishibe, Shikulu. Na—Nalishibafye ukutila Nalimona balya ba Malaika. Kabilo Mwalishiba ukuti filya fintu fya Cine. Kabilo Napapa, Shikulu ukuti, “Akalandu kuli ine,” eico ngafwilisheni.

⁶² Kabilo nomba paleni aba bantu. Kabilo tuli pano ileelo, pabushiku bwakuti masoshi kusefya kwa kufyalwa kwakwa Shikulwifwe. Tulepepa ukutila Mwalatwafwilisha.

⁶³ Kibili muno lucelo, umubomfi Wenu, Munyina Neville, omfwile ukuti limbi kuti caba akashita kakuti atuusheko pakashita akanono, kibili Ine ningalanda. Kibili Nde—Ndepepa ukutila Mwalangafwilisha nomba.

⁶⁴ Pali abantu pano, Shikulu, kibili naifwe bonse, tulekabila Imwe. Eico tulepepa nomba ukutila Mwalatupala ilyo tulebelenga i Cebo Cenu no kutonda pa kashita akanono. Lekeni u Mupashi Wenu wise pali ifwe, Shikulu. Kibili tusambeni nokutulenga ukwaka u Mulilo, na Mupashi wa Mushilo, ne Mbila yakwa Lesa, abapya ukufuma ku cipailo, ukusunkanya icalo icilefwaya, ilyo Lesa wa Muyayaya talaisa. Pantu twalomba ici mwi Shina lyakwa Yesu, u Mwana Wakwe uwatemwikwa, kibili Kapususha wesu. Ameni.

⁶⁵ Nomba Ndefwaya ukuti mubike amano yenu ku Malembo yamo pano, notwalembwa, uto Nembele.

⁶⁶ Kibili Nincetekela ukuti, Doc, nangu Billy, nangu umo muli bena alinjebele ukuti, balefwaya ukufumako bwangu, pamulandu wa bana abanono. Nababakwatilako ifyabupe.

⁶⁷ Mwebana abanono abafumine kwisukulu lyapa Mulungu, mu—mubefye panopene, pakashita akanono. Ifyo tulelanda kuno kuti fyaba ifyashikako kuli imwe, lelo mwi—mwikalefye tondolo nabamayo nabataata, pali ba miniti abanono. Ndefwaya ukulanda nabena.

⁶⁸ Nomba, mulya mu Malumbo, Amalumbo 89, Ndefwaya ukubelenga versi imo nangu yabili, iya Malumbo 89. Nalaesha ukubelenga iya 50, 51, na versi ya 52 iya Malumbo 89.

⁶⁹ Nomba, bushe muleumfwa ukufikafye kunuma uko, cilifye bwino? Nga kuti mwacita, imyeni amaboko yenu. Eico Ine... Ni cinshi i... Bushe fyonse ifyakupisha amashiwi kuno nafyaka? [Umo muntu atila, “Nshishibe.”—Kale.] Bushe *iyi* yabapo bwino, nangu *iyi*? *Iyi* ine? *Iyi* ine? [“Aya yabili pambali nayaka.”] Apa pene, *aya* yabili pambali? [“*Iyi* imo, *iyi* imo, kibili *iyi* imbi.”] Cisuma.

⁷⁰ Nshishibe nga cakuti babbika *iyi* pali tepu nangu iyo. Ulifye musonkano wakupumikisha luno lucelo.

⁷¹ Lelo mwilabako nomba, mukete abanenu bonse. Kibili Nde—Ndefwaya mube abashininkisha, mupepi, mukeshe ukusangwako kukulongana kwa pa Mulungu uleisa.

⁷² Bena nombaline bakapwisha ichalichi kuno lubali, Ndemona. Kibili Nka—Nkabwela nomba palwa ici, ukushimikila Ifikakatikilo Cine lubali, nga cakuti cikaba ubufwayo bwakwa Lesa, ukufuma mu Malembo aya.

⁷³ Mwi Buuku lya Malumbo, chapitala 89, ukutendeka na versi ya 50. Umfwikisheni ukubelenga kwa Cebo nomba.

Ibukisheni, Shikulu, umusebanya wababomfi benu; uyo Nasunga pacifuba candi umusebanya wa babulamba abantu;

Ifyo babomfyा aba balwani pakusebanya, O mwe SHIKULU; ifyo babomfyा ukusebanya intampulo shabasubwa benu.

Abe uwupalwa SHIKULU umuyayaya. Ameni, kibili Ameni.

⁷⁴ Ndefwaya ukulanda na imwe pa nshita inono palwa... Ndefwaya musope ico, pakubala, nokubelenga ico imiku nemiku, bwino bwino. Limbi kuti casenda ukubelenga nakabili ino ine nshita. Kutikeni nganshi nomba. Mwamona?

Ibukisheni, Shikulu, umusebanya wa babomfi benu; uyo Nasunga pacifuba candi umusebanya wa babulamba abantu;

Ifyo babomfyा abalwani pakusebanya, O mwe SHIKULU; ifyo babomfyा pakusebanya intampulo shabasubwa benu.

Abe uwupalwa SHIKULU umuyayaya. Ameni, kibili Ameni.

⁷⁵ Cisambilileni Cena bwino bwino, nga fintu Davidi acilandile. Ndefwaya ukubomfyा ngecakubelenga...Caliba iceni, nga cakuti ukubelenga kwa Ciminshiminshi nakabili; lelo ilyo Nashimikile pa Mulungu wafuminepo pa cakubelenga iceni. Nindaba ifyo cali nomba. Cali ni...[Munyina atila, “*Isonde Nalyakanikanamo.*”—Kale.] Amuti? [“*Isonde Nalyakanikanamo.*”] Ukupona: *Isonde Nalyakanikanamo*.

⁷⁶ Nomba Ndefwaya ukubomfyा nga icakubelengapo, uno Mulungu: *Umusebanya Pa Mulandu Wa Cebo*. Nomba lekeni mbwekeshepo nakabili, bwino bwino. U...*Umusebanya Pa mulandu wa Cebo*.

⁷⁷ Lesa alikwata inshita, no umulandu wailya nshita, mukufikilisha Ifyebo Fyakwe fyonse. Lesa aleshiba bwino bwino ifyo Ali nokucita. Ifwe tatukata. Tufwile ukucipokelelafye nga fintu Atupela. Lelo, Alishiba, kibili takuli icili nokulubana pafy Ena—Ena apekanya ukucita. Conse cifwile ukucitika. Kufwile kwaba, limo limo, ifyakalabana kabilifintu fyakosa, pakuti kube ukuleta iituntulu, iyacine imibebe yacintu.

⁷⁸ Namwishiba, imfula ifyalwa mufitunga, ifyakalabana, umwapita ukubyasha, ayafibulukuto imyulu. Kibili nga tattukwete imfula, ifwe teti tube nomweo. Lelo mulemona ifyo cena cisenda pakuleta imfula? Ifibulukuto, ukubyasha, ifyakusanika, ubukali. Kibili ukufuma muli ifi mwisa imfula.

⁷⁹ Ulubuto lufwile ukufwa, ukubola, ukonaulwa, ukununka, nokubwekela mulukungulwa mwisonde, pakuleta umweo upya.

⁸⁰ Cisenda ukutwa kwa golide, ukupilibula kibili ukupilibula, ukuibwekesha kunuma kibili ukuileta kuntanshi, kibili ukutwa mpaka ifiko fyonse fyafumishiwamo muli yena. Tepamulandu yena ilabeka, pantu icela cabeka icamutuntula, icaishibikwa nga golide yakubeleleka, ibeka nga golide yacine. Lelo, bikeni yonse ibili pamo...mwaibika yonse pambali, teti mumonepo ubupusano, lelo fibikeni capamo, imwe kuti mwalandana cena. Kibili nakoma lyonse awfile ukuma mpaka ena—ena icimonwa cakwe calangishiwa muli golide.

⁸¹ Kibili Lesa alabika inshita kibili alakwata ubwiminishi pafintu fyonse ifyo Acita. Takuli ieicitikafye mukukana ishiba kuli abo abatemwa Shikulu kibili abetwa ukulingana nobwite Bwakwe. Mwamona? Ifwe twalilingilwa kabela. Kibili ifintu fyonse fibombafye bwino, pali cilya, pantu Ena tekuti abepe. Kibili Atile efyo cali, ukutila icintu conse calikwata inshita, inshita yakupilibuka, kibili yalikwata inshila yaiko. Kibili Lesa aba kunuma yacilecitika conse. Kibili inshita shimo mulatontonkanya ukutila ifintu fyonse filelubana. Cili kuli ifwe. Ifyo fintu fibikwa pali ifwe, ifyakwesha nefyakusunguka. Kwesha, ukumona ifyo twingacita pafyakucitika ico.

⁸² Munshiku shapita mu, kumulu ku Vermont, Munyina Fred na Ine twaile kulya lubali ku New York, ukutoloka Bemba wa Champlain, kibili twaliile kulubali lwa New York. Kibili Nalile pamulu walupili palya apo lulya, pamulu wa Lupili lwa Hurricane, uko Nalelunga. Kibili kulya ndeibukisha ilyo Nalubile, kibili ifyo Lesa antungulwile ukubwekela, ku Mupashi wa Mushilofye weka, ukupita mumfula ya mwela. Ukuti, Ine nga nalifwile, ukuloba, kibili nomukashi wandi na Billy, pansi pankambi iinono intamfu bamailoshi. Kibili bali Mpilibwile.

⁸³ Kibili kwali imfula yabuta iyo twapitilemo, ukwingila munkambi, mukutampa kwanshita yafimuti ilyo fitumba amabula. Kibili Naiminine palya ndelanda na Munyina Fred, kibili Mupashi wa Mushilo watile, “Fuma kunse ube weka.” Kibili Nalifumine nokuya mumpanga pakashita akanono, kuncende. Anjebele ukutila, “Kuli iciteyo eco bakuteyele. Ube uwacenjela nomba.” Lelo Tanjebele munshila nshi, ifyo cili. Nalibwelele nokweba Munyina Fred.

⁸⁴ Naile kuchalichi lilya mu bushiku mu cikulwa, nokucibilisha kubantu. Kibili inshita ya bushiku ubwakonkelepo calicitike. Kibili ilyo naiminine palya ilyo Anjebele, pali bambo bakapumya, Atile, “Cili mumaboko yenu. Citeni nabena. Conse ico mwaliasosa, cili nokucitika inoine nshita.”

⁸⁵ Nifyo fine. Uko, umuntu umo uushikwete incito, ababulalesa, kibili balepanga imipulwe no kushenteka mukulongana, umulumendo no mwanakashi uwacaice. Kibili alefwaya ukupanga ifyamuselu ifya-citemwiko naena

mucikulwa; kibili bonse batampile ukulolesha, ilyo Naleesha ukushimikila. Nokutwala umutwe wakwe kunuma nokunina pa mol yakwe, kibili ukutwala umutwe wakwe kunuma nokwesha ukumutomona, kibili ukutwalilila nga filya mukulongana, ukulenga abantu ukuposa amano kuli bena.

⁸⁶ Kibili Mupashi wa Mushilo atile, “Nomba ena ali...Bena bali mumaboko yobe. Cinshi ico uli nokucita na bena?”

⁸⁷ Kwali ukuba tondolo ukwamushilo. Bonse baikeli tondolo kwati nimfwa. Kibili Natontonkenye ukuti, “O mwe Lesa, nifinshi Nalacita?”

⁸⁸ Elyo Ndeibukisha, nga tacali ukusoka kwa Mupashi wa Mushilo, inshiku shibili ilyo tacilacitika. Natile, “Ndi nokukubelelo luse.” Nomba, cilya eco Alefwaya ine ukusosa. Mwamona?

⁸⁹ Pantu, nangu cingaba, Na—Nali nomulandu, limbi tepalwaico. “Kibili ukuba nomulandu wakanono mulandu muli conse.”

⁹⁰ Eco Natile, “Nakubelela uluse.” Nomba pali bakombone abekele pano nomba, epo baali nalilyaline. Nomba u Mupashi wa Mushilo waponene.

⁹¹ Nomba, mulemona, Ndecetekela ukutila fyonse ifi fintu fyalikwete ubupilibulo. Nicinshi ico mwingacita namaka? Kuti mwacita shani, mwamona, ukucita icintu ukufuma mumicitile icicitike? Ico icishile nga icakupanga, nomba kuti wacita shani kumicitile iyo? Bushe muleumfwa ico Ndepilibula? Cinshi ico mwingacita? Kibili nalimo fyonse ifi nafibomba ukulingana apo tubelele nomba. Nshishibe. Ine—Ine teti nandefye. Lelo inshita yonse kwalibako inshila imo...

⁹² Kibili ibukisheni ukutila, umusebanya wa—wa Cebo nau... I Cebo lyonse calisenda umusebanya. Munshita shonse, i Cebo cakwa Lesa icasubwa lyonse cilasushiwa. Kibili ulya emulandu wine cabela icakosa nganshi kabantu abo abashailuka, ukuti baishibe ifya kusumina kuli kulya ukusebanya.

⁹³ Bushe muleibukisha abasambi ukubwelelamo kibili ukusangalala pantu balilwiye ukutila balipendelwe abalinga ukushipikisha mui uku ukusebana kwe Shina lyakwe? Atile, “Bonse abo abekala aba bulesa muli Kristu bakaba abapakaswa,” ukusebana ukwa Cebo.

⁹⁴ Imwe lyonse mulingile ukushipikisha muli uku ukusebana pakutila mwingapela ukweshiwa kwenu, ukumona. Umuntu onse uyo uwisa kuli Kristu awfile abalilapo ukusambilishiwa-kwa bwana, ku—ku mulimo untu Lesa amulashikileko. Kibili ibukisheni, nga kuti mwabafye tondolo! Ibukisheni, nga cakuti Alimitila kuli ici, tapali icingalesha ukuti cicitike. Takwaba ifiwa ifyalinga mukucushiwa, kano ifyo i Cebo cakwa Lesa cikalengwa ukumonekela. Mwalifyalwa pa mulimo umo, kibili

tapali nangu umo uwingasenda icifulo cenu. Limbi kuti mwakwata bakapashanya nefintu fimbì ifyashala, lelo bena tabakatale abasenda icifulo cenu. Nacilungama. I Cebo cakwa Lesa cikacimfyà. Tekuti Cifilwe. Apo epo umwina Kristu onse afwile ukwiminina, ukwishiba cilya—cilya. Kibili amesho yakesa, kibili yakamoneka kwati yalefuma kumbali conse, kuli iwe. Lelo ibukisha ukuti, Lesa alikwata ubwiminishi, kibili fyonsé fikesa bomba mukulungama.

⁹⁵ Nomba natuyefye kunuma ku—kufyampendwa ifyalecitika uko i Cebo cakwa Lesa calefikilishiwa, kibili kuli abo abasendele i Cebo mu nkulo shabo.

⁹⁶ Na—Nacumfwa mu Mupashi, tapapitile inshita iitali, ukuti umuntu umo alensusha. Limbi kuti caba kuli abo abomfwa kuma tepu. Lyonse ukusontelela nganshi, ukuya kubantu bamu Baibebe pafo Ndelandia. Ukuba, Incitila ico pabwiminishi bumo. Baibebe itila ifi fintu fyalilembwa pakutila twinga fimona. Kibili iyo enshilafye, ukwabula amasambililo, enshilafye Ningacitilamo, kusontelela kunuma nokutila, “Mulemona apo *ici* ciminine, ico cacitike na cena, *uko ici cimo cacitikile*.” Mwamona? Kibili elyo mulaibikafye mwebene mulya.

⁹⁷ Ngefyo Naleshimikila, tekale sana, pa mulumendo umunono mulya mubwato, namwisha, kibili—kibili kapitao umukote alefwa. Alilwele. Kibili aipwishe nga cakuti palipo Baibebe pabwato. Kibili ba mwene umulumendo umunono uyo wakwete Baibebe, kibili abelengele Esaya 53:5. “Alashilwe pamembu shesu, acenenwe pa mampulu yesu.” Kibili atile, “Lekeni i... Leka nkwebe, kapitao, ifyo bamayo balebelenga *ici*.” Atile, “Iyi enshila bacilembemo: ‘Alashilwe pamulandu wamampulu yakwa Willy Pruitt. Kibili Akalipilwe pamulandu wakwa Willy Pruitt. Nefintu fyonsé ifi efyo Acita, fyali fyakwa Willy Pruitt.’” Ilyo elyalí ishina lyakwe.

Kapitao umukote atile, “Nacitemwa ico. Bushe kuti wabelenga ishina lyandi pali cena?”

⁹⁸ Atile, “Nalaesha.” Kibili atile, “Alashilwe bamembu shakwa John Quartz. Acenenwe pamampulu yakwa John Quartz. Kibili namufilaso Fyakwe emo John Quartz apolele.”

Atile, “Nacimona.” Kibili Shikulu alimundepe. Mwamona?

⁹⁹ Belengeni ishina lyenu muli cena. Ena alashilwe pamembu yakwa William Branham. Ena alashilwe pamampulu yakwa William Branham. Alicicitile cilya kuli ine, kibili Alicicitile cilya kuli iwe. Belengeni ishina lyenu muli cena.

¹⁰⁰ Ukuba, iyo enshila Natemwa ukuletelamo Amalembo ku bandi—ku bandi abantu, efintu Acitile kumuntu umbi uyo uwa Munakile. Ifyo Acitile kumuntu umbi uwali uwacishinka ku Mulandu, kibili ifyo Acitile ku muntu umbi uyo uwakene ukuba uwacishinka ku Mulandu, nomba iwe kubelenga ishina lyobe muli cena. Nga cakuti eko wali nga bwiminishi bwashani

wapangile? Kibili ibukisheni, namukwata ishuko, ileelo, ukukwata ubwiminishi bumo bwine.

¹⁰¹ Ilyo, Noa, pakusebana kwa Cebo ico Lesa alandile kuli ena. Noa, kwaliko umusebanya. Noa aikele munshita ya scienci, uko kwali imicitile iyatunguluka iyafya scienci iyo balepanga, ifyo fyaliali ifyacilapo pafintu ififyonse ifyo ifwe tupanga ileelo. Balisalapwikepo, nokukwatapo amano. Scienci yabo yalifikilepo apatali, payesu. Kibili ibukishenifye ukutila, ena alingile ukushipikisha muukusebana kwa Cebo ico ashimikile, imyaka umwanda umo na makumi yabili, pacinso cabakapumya. Inshila shabo ishikalamba isha scienci shashininkishe kuli bena ukutila takwali imfula mumyulu. Lelo, nomba, Noah alyumfwile i Cebo cakwa Shikulu, kibili Cena cali icapusanako kumano yabo aya Ico. Eico, ilyo ubumi bwakwe tabulapusushiwa, awfile ukwiminina pacinso nokushipikisha umusebanya untu aba bakapumya balemusebanya nao.

¹⁰² Oh, takuli ukutwishika ukutila, bena baleumfwila ubulanda ulya kashimikila umubusu umukote. Tabamufumishepo nangu icintu icili conse, pantu nalimo tamwali amayanda ayengi aya ulya musango muli bulya bushiku. Taali uwakuleta ubusanso. Taali nokucena umuntu uli onse, eico bamulekelefye ukuti abe eka. “Twalilapo, cipena umukote pamulu palya pambali ya lupili, alekula ubwato ukutali kulya ukushaba amaenshi. Oh, ukuba, wemukobe umubusu we! Lelo,” kibili nokutila, “nikwisa uli nokusanga amenshi yobe, apakuti ubwato bobo bukaleelela, Noa?”

“Yena yakafuma mu myulu.”

¹⁰³ “Ifyabula amano. Kuti twatuma ku mweshi nentanda, notulimba utwakupiminako,” fyonse ifyo bakwete. “Takwali imfula kulya kumulu.”

Lelo atile, “Lesa atile Ali nokubikamo yamo pamulu palya.”

“Musangonshi Ena ali nokucitilamo?”

¹⁰⁴ “Ulya mulimo Wakwe. Icintufye cimo ico Ningile ukucita kumisoka ukufuma muno.”

¹⁰⁵ Cilifye umusango umo wine nanomba. “Nikwisa umulilo ulefuma?” Munyina, cena cilifye icatambalalako ileelo ukucila ifyo cali panshita yakwa Noa. Ifwe kale kale natumona apo ubelele. Uwaipekanya ukufyampuka, epela. Scienci kale kale yali... Takuli icakuleshamo pali ino nshita, nakalya, pantu scienci yaliusanga kale. Ee, mukwai.

¹⁰⁶ Eico nomba tulesanga ukutila cilya cali icintu cimo icakupapa. Eico baumfwilile ubulanda kashimikila umukote umubusu, nokumulekafye. Cali icintu iceni, nalimo, kuli balya bantu, ukutontonkanya ukutila umuntu uwalingile ukuba uwamano, ewinga cetekela ukutila Lesa, Kabumba wamyuulu nesonde, kuti acita icintu cimo, nangu ukusosa icintu cimo

ico Aali nokucita, ico cali icapusana nenshila yabo iya kutontonkanya, ifyo bakwete. Limbi tamucumfwile. Moneni. Cali... Batontonkenye ukutila kuti bashininkisha icintu conse ica cifyalilwa kuli scienci yabo. Nga cilya tecipasho cesonde ilyo twikalamo ileelo, ilyamano, isonde lya masambililo ilyaisulamo scienci! Kibili icintu conse ico bengashininkisha, cilya cali icalubana, Lesa... “Takuli Lesa uwingalanda icintu ico (cali) scienci teti ishininkishe ukutila tacabapo.”

¹⁰⁷ Nomba, bakwata itontonkanyo limo line ileelo. Nga cakuti dokota obe alanda ukuti naukwata impwalonda, uli nokufwa, kibili scienci yashininkisha ukutila walikwata ipwalonda, kibili yaifika apatali, kukana kwata amano ukutontonkanya pali fimbii ifyapusanako, pantu iwe uli nokufwa; epela. Scienci isoso ukutila uli nokufwa. Bali kupima, kibili cilya empela ya fyonsse. Uli nokufwa. Kibili batontonkanya ukuti kufulungana nga waesha ukusosa ukuti Lesa alaile ukucicita. Mwamona, ngefyo cali, ulingile ukushipikisha muli kulya ukusebana.

¹⁰⁸ Batila, nga cakuti dokota alanda apa ukutila, “Twalikubebeta nepwalonda nalifika apatali. Twalikwisula. Naisalangana mumubili obe onse, namumutima, ukupita muli bawpawpa, ukupita mulibu, monse monse. Tacingacitwa.”

Eico, mwamona, ilyo mwatila, “Lelo ena ali nokuba nomweo, nangu cibe fyo.”

Batila, “Ukuba, umuntu umubusu, mulekenifye eka.”

¹⁰⁹ Ndeibukisha inshita ya bushiku. Bill Hall, Munyina Hall kulya ku chalichi cakua Milltown, mwebengi muleibukisha umulandu. Kibili ilyo ena... Balinjatile kulya. Umukashi wandi, ba-mayo-fyala, na Ine, twalile kulya. Aupile umukashana uwali nkashi, Ndecetekela, kuli George Cupp, aali ni mwinemushi wa musumba, nangu kapingula kuno. Ena... Uyo ewali mulamu wakwe. Bamuletele kuno mukufwa. Dokota waku Milltown, dokota aku New Albany, bamupimine ubulwele bwakwe nga ipwalonda lyaku libu. Eico Naile kulya mukumona Misisi Hall. Kibili alikwete na bulwele bwa nkanda ukumoneka iyamutuntula, kibili alemoneka uwamutuntula umubili onse. Kibili Natile, “Ukuba, Ndemona ali nokufwa.” Kibili Natile...

¹¹⁰ Atile, “Munyina Bill, bushe kuliko inshila ili yonse iyo iya kwata... Bushe kuti waumfwa ukufuma kuli Lesa?”

Natile, “Nshi—Nshihibe, Nkashi Hall. Nalapepa.”

¹¹¹ Nalipepele. Kibili Nokubwekela kung’anda, kibili Shikulu talandile nangu cimo kuli ine. Nomba Nalibwekelemo, ubushiku bwakonkelepo, kibili Nalipepele nakabili.

Kibili atile, “Bushe walishibako dokota uwacenjela?”

¹¹² Natile, “Ukuba, doctor wesu uwa mulupwa ni Drokota Sam Adair, muno mu Jeffersonville. Ena—ena—ena... Bawishi ebalii ba dokota besu abalupwa. Umulumendo Sma na Ine twaliba

bacucibusa abapamutima, kabiili twaile kusukulu pansiita imo ine, twakushiwe capamo. Lyonse tulaya kuli ena ilyo icintu conse calubana.”

Atile, “Ndetonkanya, nga kuti aisa monako Bill Hall?” umulume wakwe.

Natile, “Nalamwipusha.”

¹¹³ Ukuba, Sam atile kuli ine, atile, “Billy, nga doctor alisosele ukuti alikwete impwalonda,” atile, “kulifye icintu cimo, ine ukucita, Ndi nokumutuma kumuntu umo uyo uli uwacenjela ukucila ifyo Naba, uwakanshiwa bwino. Kabiili tuli nokumukopa; kabiili tatwakatwalilile ukumucusha.”

¹¹⁴ Twalitumine ku New Albany nokupoka ama ifikope ukufuma kuli dokota kulya. Twamutwele ku Louisville nokuya mubebeta, ukumuninika muli ambulansi, kabiili ukumubwesha.

¹¹⁵ Ukuba, nge fyofine, tekuti asose kuli ba Misisi Hall ifyo ubwafya bwakwe bwali, eico anjatile. Atile, “Ali nokufwa,” atile, “cibusa obe kashimikila.” Atile, “Uwakanshiwa mu Louisville acintumina lamya, kabiili atile, ‘Ifyo basangile kuli badokota bapele mu—mu...ku Milltown; kabilina dokota, ku New Albany; nabapela ukusanga ukwalungama.’” Kabiili atile, “Lipwalonda lyakulibu, kabiili nalifika apatali. Kabiili, Billy, teti tufumye ilibu nomuntu aba nomweo.” Atile, “Ali nokufwa. Kabiili nga ena nikashimikila, alingile ukuba uwaiteyanya.”

¹¹⁶ Natile, “Ilyo telipusho. Nomba tacilile imyaka yakufyalwa amakumi yasano-na isano, eico acili nomweo uwangi muli ena libe, uwakushimikila.” Kabiili Natile, “Ukuba, nga ena ali nokufwa, ninshi umulandu wapwa. Natotela, Dokota Sam.”

¹¹⁷ Kabiili Nalile nokuya itila Misisi Hall panse, kabiili Namweba. Natile, “Misisi Hall, Sam atile ukufwailisha kwa ku Louisville kulya kwali cimo cine nga filya cali mu New Albany na Milltown. Umuntu alefwa. Munyina Hall ali nokufwa. Kabiili nakwata ipwalonda mulib, nalifika napatali.”

¹¹⁸ Kabiili eico atampile ukulila. Nalipilibwike, ukupepa nomulume. Kabiili umweo wakwe wali ninshi nauya ukutali, lilya, icakuti taishibe ukutila Nali mumuputule.

¹¹⁹ Eico, Nalibwelele. Kabiili abantu abengi bali mu nganda, muli shilya inshiku. Tamwaali naumbi umuntu mwibala. Tamwaali ifisoso ifingi, kabiili abantu balefuma konse konse.

¹²⁰ Nalefwaya ukutushako panono. Eico Nalngilemo, naishilebuka ulucelo celo sana, nalimo tuu-sate, nangu fili koloko. Munyina Wood tafuminemo mumusebo iyo nshita. Kabiili Nalolekeshe mumusebo, kabiili takwali nangu umo kunse kulya, eico Nasendele akasote kandi akakale nokwingila mumuputule wakutushishamo, nokusenda imfuti yandi iyakulungilamo .22. Kabiili Nali nokufuma nokuya mukulunga utupale, ukufika nalimo eiti koloko, kabiili nomba ukulambalalako pa

cimuti pancende imo nokuesndamako utulo panono. Nalefilwa ukusendama kung'anda.

¹²¹ Naishilebula icisote candi nokutampa ukwenda mumuputule. I apo lyakobeme kucibumba. Kibili lyali i—ilyakoweshiwa nganshi iapo. Lyali ilyalikwa-kumyambo, kibili lyali ilyakakwa kakwa, kibili lyalikwete amapompo konse konse. Kibili Natontonkenye ukuti, “Malandunshi Meda acikalikila lilya pa cibumba?”

¹²² Kibili Namwene, nakabili, kibili talyali pacibumba. Lyalepelela mulya mulwelele. Naishilefulako icisote candi icakale, nabika mfuti mucifutu, nokuwila pamakufi yandi. Natile, “Shikulu, nifinshi ifyo Mulefwaya umubomfi Wenu ukwishiha?”

¹²³ Nalimbi lyaikile pansi, nalimbi lyaikile pansi mpaka nalimo yane nangu ama apo yasano (Nindaba nomba ifyo cali) yakobeme palya. Nomba ilikalamba ilikulu, ilisuma iapo, nemishilwa muli lyena; ilikalambafye, ilyamoneka -nobumi ubusuma iapo, lyaikile pansi nokulya aya yambi aya-liwa ama apo. Kibili Atile “Ima. Iminina pamakasa yobe.” Atile, “Kabiye, kebe Bill Hall ukutila, tali nokufwa. Ali nokuba nomweo.”

¹²⁴ Oh, Nalibutwike ukufika epo Ningapela, kibili Natile, “Misisi Hall, Ninkwata EFYA SOSA SHIKULU. Ali nokuba nomweo.” Kibili alingumfwile. Kibili aleesha ukulila, kibili alilekele ukulanda.

¹²⁵ Naishilebwela nokutumina lamya Sam. Kibili Natile, “Sam, munyinefwe—munyinefwe ali nokuba nomweo.”

Atile, “Kuti aba shani nomweo filya ali?”

¹²⁶ Natile, “Ico tecandi ukwelenganya. Lesa efyo acisosa. Umalandu naupwa.”

¹²⁷ Ena ali uwamweo ileelo. Cilya cali nalimo imyaka ikumi iyapitapo. Uwamakafye nobumi ubusuma. Umukashi wakwe alifwa nomba. Ena alyupa nakabili.

¹²⁸ Musangonshi cili nokucitika kuli George Wright, kibili nabambi abengi kuti twasosa, abo twingeta? Nicinshi cena? Cena kushipikisha mukusevana. Bena balaseka no kushenteka.

¹²⁹ Ndeibukisha ilyo takulaba iya mu '37 ilyeshi. Naiminine palya naba Falls City Transfer Compony, kibili nalebeba palwa, kwali nokuba ama fiti amakumi yatatu na-fibili, Ndecetekela cali, mu Musebo wa Spring. Balinsekele. Batile, “Billy Umubusu. Ndeelenganya ena... Ulya umwaice!” Nalifye umulumendo kuli bena. Atile, “Billy mwana musuma. Cansonii ukuti alisakanishiwamo nefintu.” Ine nshasanakanishiwe. Nalibatishiwe *muli*, tekusakanishiwa. Nali “mo.” Kibili cacitikefyen muli ilya ine inshila.

¹³⁰ Ukutula ilyo Nacilalanda, Nacimona Nkashi Hattie Wright, Ndecetekela, ekele kunuma kulya. Aleibukisha ulya mulandu

pali Bill Hall. Bengi. Nibanga bali pano, abalipo luno lucelo, abebukisha uyu mulandu? Oh, owe! Mucine. Pali abengi.

¹³¹ Nomba, bena balatumfwilako ubulanda, ukumfwa ubulanda pa muntu uleesha ukwikatilila ku Cebo, munshiku sha bakapumya. Lelo, ibukisheni, umusebanya ulingile ukwisa. Cena lyonse caba muli ulya musango. Bena limbi batontonkenye ukutila, nga fintu bacitile lilya, ukutila Lesa, panuma ya cintu icili conse icashininkishiwa na scienci, ukutila Lesa tekuti alande icintu icili conse ico cisusha science. Ukuba, cilia ecilenga Ena ukuba Lesa. Nga cakuti Aknkelefye inshila ya scienci, ninshi teti cicile pafyo umuntu yawe yawe enga tunguluka. Lelo, Ena ni Lesa. Ena ni—Ena ni Kalenga wa scienci. Ena kuti acita ifyo Ena alefwaya ukucita.

¹³² Bena batontonkenye ukutila, “Umubusu Noa umukote, ukuba, mulekeni umwaume umukote abe eka. Alepuswako ku mangalo yonseayo tulekwata mmuli ishi nshiku, eico mulekeni abe eka.” Cabafye cimo cine nanomba.

¹³³ Lelo, nomba, Ndefwaya ukulanda icintu nacimbi pano pene. Nomba, tulelolesha kunuma nokukumbwa icitetekelo cakwe. Lelo Ndasunguka, nga cakuti twalikele muli bulya bushiku, bushe nga twalikwete ubwiminishi bumuo bwine ubo Noa asendele? Bushe kuti twaba abalinga kabilii abafwaisha ukushipikisha pamusebanya uwaleenda ne Cine? Ilyo, pamamillioni yali mucalo lilya, kwalifye Noa nolupwa lwakwe abaiminine ne Cishinka. Bushe walitontonkenyepo palwa ico? Ukutila ati umwaume nabana bakwe batatu, naba pongoshi bakwe, nomukashi wakwe, ebaimininefyne ne Cine. Lelo balikwete EFYA SOSA SHIKULU. Tulelolekesha kunuma no kumukumbwa. Bushe kuti twatontonkanyapo nakabili?

Mfwile naangufyanya kumulandu wafyabupe fya aba baice.

¹³⁴ Abrahamu, ishiwi ilya *Abrahamu* lipilibula ati “wishi wa bengi,” ukumulenga ena “wishi uwa nko.”

¹³⁵ Nomba, Abrahamu alyumfwile i Cebo cakwa Lesa. Abrahamu aali ni kasesema, kabilii ena aumfwile i Cebo cakwa Lesa. Kibili ifwe tulakumbwa Abrahamu paukwikatilila kwakwe ku Cebo cakwa Lesa; ifyo ena aipatwile umwine ukufuma kuli balupwa bakwe; ifyo cali icakosa kuli Abrahamu. Ena akulile kulya. Ifyo aishile ukufuma ku Babele, kabilii kabilii alile kulya kucalo Shimar naba—naba—naba Kaldi, mumusumba wa Uri, uko fyonge ifibusa fyakwe, abantu bakwe, nabonse abo aleya ku chalichi nabo, nefintu fyonge. Lelo Lesa atile, “Ipatule we mwine.” Oh, owe! We cintu cabipa ico cali, ukusha fyonge ifyo atemenwe, ifintu fyonge ifyali ifituntulu kuli ena, ifyo atemenwe. Kibili Lesa alimwebele ukuti, “Ipatule we mwine.”

¹³⁶ Kibili amupele icintu icaibela nganshi. “Uli nokukwata umwana ku mukashi obe.” Kibili aali amakumi cinelubali-

na isano, kibili ena aali amakumi mutanda-na isano. Ificitika kuli banamayo fyalilekele ukucitika kuli ena, ngafintu ciba nga namayo ali nokukwata abana, pa myaka. Kibili apa, panuma yawkikala naena ukutula ilyo ali umukashana, pantu ena ali ninkashi yakwe citika, kibili nomba musangonshi ena engatala aleta ulya mwana? Kibili nomba kuti watontonkanya Abrahamu aleya pabanankwe, aletila, “Ifwe tuli nokukwata umwana, Sarah na Ine”? Bushe kuti mwatontonkanya cilya?

¹³⁷ Mulandunshii, abantu batile, “Umuntu umukote umubusu, kuliko icintu cimo icalubana naena.”

¹³⁸ Cena kusebana, lelo Abrahamu alikatilile kuli cena. Kibili ilyo ali nemyaka yakufyalwa umwanda umo, tapempenwike ku bulayo bwakwa Lesa. Nalyo line alishipishe mumusebanya, mucine, ukwikatilila kuli cena.

¹³⁹ Namumona ubupusano mulya? Sara aeseshe ukupela Abrahamu, nangu apele Lesa, ntile, ubwafwilisho ubunono, umwine eka. Atontonkenye ukutila, namwishiba, ukutila, icapusanako kufyo Lesa alaile. “Nomba, namwishiba, Ndi mwanakashi umukote, lelo Hagar pano mwanakashi uwaemba. Abrahamu teti asakamane ukumupa, pamo. Eico, namwishiba, cilya cili—cilya cili nokwafwilisha Lesa. Ico cikafwilisha Lesa, pantu Hagar, ena, limbi alifye nemyaka amakumi yabili iyakufyalwa. Nicishiko wandi. Kibili namwishiba ifyo Ndi nokucita? Nkamupela kumulume wandi, akabe umukashi wakwe,” pantu impali shalisuminishiwe. Eico atile... “Nalamupela, kibili ali nokukwata umwana kumulume wandi, elyo kibili Ndi nokusenda akanya. Kibili ulya emuntu, Lesa alaile.”

¹⁴⁰ Mwamona, lyonse tulesha ukucita icintu cimo; tulafilwa uku Mulolela. Tufwile ukucita icintu cimo, palwesu fweka. Limbi califye bwino. Limbi aali umusuma. Kuti camoneka icisuma nganshi, lelo tacali ukulingana ne Cebo. Lesa aebele Abrahamu ukutila umwana akesa ukupitila muli Sarah.

¹⁴¹ Muleibukisha ifyo Asosele palwa Mukuni unono? “Ifi fishibili fikakonka abo abacetekela.” “Nga fintu cali munshiku shakwa Noa, efyo cikaba napakwisa kwa Mwana wa muntu, uko abanono, cine konse konse imyeo, yapuswike.” Filya Fyebo tekuti fifilwe, eico lekeni tuicefye fwebene bwino bwino nokwikala ne Cebo. Cisuma. Mwamona?

¹⁴² Abantu lyonse baleesha ukupanga icintu cimo, icakusenda icifulo cabufwayo bwakwa Lesa ubwakupanga. Mwamona, nga fintu lyonse Nanda, kibili limbi kucinso ca chalichi, munshita shapita, namwishiba, tekuti mwipushe impaanga ukutila, “Bushe kuti wampangilako amasako yamo?” Iyo, teti icite cilya. Nomba, imbushi tekuti ipange amasako, pantu icifyalilwa yaiko teti ciisuminishe. Te mulandu ifyo muleesha ukubika amasako ya mpaanga pa mbushi, yena tekuti ibombe.

Imbushi tekuti ipange amasako, kibili impaanga taipanga imishishi. Lelo yena yalikwata amasako pantu ni mpaanga. Cilya eci mulenga ukuba efyo aba. Ena tapanga.

¹⁴³ Tatufwile ukupanga ifisabo fya Mupashi. Tufwile ukukwata ifisabo fya Mupashi. Icimuti camaapo tacipanga amaapo; citwalafye yena pantu cimuti camaapo.

¹⁴⁴ Kibili nga twaesha ukupanga icintu icili conse ukutila, “Nalaafwilisha u Mulandu. Nalabelenga pamyaka ikumi ku seminali. Nkasambilila *ici, ico*, nangu *cimbi*, kibili nkapoke Bachelor of Art na digri yabu Dokota. Ndi nokwafwilisha Shikulu, eka.” Cena tacakabombe.

¹⁴⁵ Lesa, mukumwenwa kalibela, eta uo Engeta. Apela u Bufumu kuli onse uo Engakabila uku Bupelako. Twasambilile ico kuli Nebukadinezzali.

¹⁴⁶ Twasambilile cilya kuli—kuli Yeremia, ilyo Lesa amwebele cilya, ku Cebo cakwa Shikulu, ukutila, kwali nokuba inshita ilyo Israeli ali nokwisasendwa mu Babylon pa myaka amakumi cinelubali. Kwaishile ima kasesema umbi. Alimwebele kale, atile, “Nomba, iwe uli nokukwata bakasesema, bali nokwima. Kibili ukabasenda kulya ku Babylon, iyi kema, nabakalota, nabakasesema, icikasesema ukupusana Neci. Lelo mwebe abantu ukukana umfwa kuli balya bantu.”

¹⁴⁷ Kibili kwaishile umuntu uweshina lya—lya, umo uwa bakasesema, Hanania. Kibili ilyo Yeremia aiminine kulya ne koli ilya pa mukoshi wakwe, kulya kwaishile Hanania, atile, “EFYA SÓSA SHIKULU, mu myaka ibili iiituntulu, ifipe fyonge ifyakwa Shikulu...” Nomba, mucishinka, camoneke icisuma nganshi. “Lesa ali nokupaala abantu Bakwe. Ena ali nokuleta ifintu fyonge bwino bwinofye, mumyaka ibili.”

¹⁴⁸ Kibili na Baibele yatile, nangu ni kasesema Yeremia atile, “Ameni. Ameni. Hanania, lekeni Shikulu alenge ifyebu fyenu ukufikilishiwa. Lelo lekeni tutontonkanye pacintu cimo, Hanania. Kwaliko bakasesema kunuma yesu, kibili baseseme ukususha inko ishikalamba isha nkondo, na fimbipo. Lelo, ibukisheni, kasesema eshibikwa panuma ubusesmo bakwe bwaisa citika.” Mwamona?

¹⁴⁹ Elyo Hanania aishile isa, asompola ikoli ukulifumya mu mukoshi wakwa Yeremia, pacinso yaba shimapopo nolukuta, limbi millioni na citika abantu. Kibili basendele lilya ikoli ilyo Lesa abikile pa mukoshi wakwa Yeremia, ku cishibilo, no kulikontola mutupimfyia, nokuibika pamakasa yakwe, ukumfwa bwino, kibili atile, “EFYA SOSA SHIKULU, mu myaka ibili, bakabwela.”

¹⁵⁰ Yeremiya amuloleshefye. Caalipinkene ne Cebo, eico afuminepofye ukuya. Kibili Lesa atile, “Bwelelamo no kumweba,” atile, “Nshatala landa kuli ena.”

¹⁵¹ Ailandilefyé umwine. Atwelekoфye amano yakwe. Mwamona? Ena tatalile alolela mpaka acimona mucituntulu kibili alishibe ukuti teo, ukutila ni Lesa uwalandile ico. Ena alibwelelemo, namano yakwe. Nga . . .

¹⁵² Tulecisanga, mucalo monse, ileelo. Tepu yesu imo yalelila pakashita akanono akapitile mung'anda imo, uko ibuma lyaba kapyunga bali abashininwa, kibili aleisa mu kubatishiwa mwi Shina lyakwa Yesu Kristu. Kibili umuntu aishileima mumuputule, uyo walandile mundimi kibili atile, "EFYA SOSA SHIKULU. Ikatilila kufyo mwakwata. Twalililenifye, ukulaya, kibili Ndi nokumipaala."

¹⁵³ Batile, "Ukuba, nga Shikulu alisosele cilya, Ndemonia cilya eco." Mwamona, cena tacilebebetta ne Cebo. Cena cilingile ukusenda i Cebo, intanshi. Mwacimona ico. Cena cali icapusana ku Cebo.

¹⁵⁴ Yeremiya alibwelele, ulya kasesema uwasubwa. Lesa alimwebele, atile, "Ninjishiba ukutila Hananiah aliputwile lilya ikoli lya mbao pamukoshi obe, ilyo Nabikile, lelo Nalapanga ilyacela." Atile, "Kibili shonse ishi nko isho shaya mukubombela Nebuchadnezzar, umubomfi Wandi," kibili ali umusenshi. Mwamona? Kibili Israeli, ukusunga amalambo yabo yonse, lelo bena tabali . . . Mwamona?

¹⁵⁵ Lesa alipangile ubulayo, ukutila Ena engapaala, lelo yalya amapalo yaba pesamba yafyabikwa. Kibili mulingile ukukumanya filya ifyabikwa, ukuti fibombe.

¹⁵⁶ Nalikele, pakashita akapita, nanono, akasuma akakashana pano. Intanshi, Nalipita muli lulyo lupwa ukupita, ukumona nga kwaliko icintu cimo icalubana. Lesa ali nokundapa, lelo cena ciba pesamba lya fyabikwa. Mwamona? Icintu Nasangile, cali ukutila, nyina aletina ukuti cilubo ukunwa umuti. Natile, "Wilatontonkanya ico, nkashi. Fumya ico mumano yabo. Twalililafye nomwana. Mupeleni umuti. Lesa akalenga cilya ukwishesibikwa." Mwamona?

¹⁵⁷ Nomba, lelo, icintu nici, sangeni, ukwishesibika. Kibili nomba, nga cena ni EFYA SOSA SHIKULU, cisuma.

¹⁵⁸ Nomba tulesanga pano ukutila, aba bantu, baleesha ukupanga icintu cimo; Haga na-na Sara, ukwafwilisha Abrahamu, ukwafwilisha Lesa ukulenga ubulayo Bwakwe ukuba ubwacine. Teti ucite ico. Takuli inshila, nangu panono, ukucita ici. Cili—cili icalwisha ifintu fyonse. I Cebo cakwa Lesa cili nokucitika, nangu cibefyo. Ufwile waiminina uwalungama pa Cebo, nokutila, "Cili muli *iyi* nshila," nokusunga i Cebo. Nomba, moneni, ukupanga icintu cimo ukusenda icifulo ca Cebo Cakwe!

¹⁵⁹ Limbi abanankwe bakwa Abrahamu, pamo, nga cakuti twalimwene, limbi abanankwe bakwa Abrahamu baishile nokutila, "Cisuma, wishi wanko, nibanga abana abo ukwete

nomba?" Ilyo ena ali ne myaka yakufyalwa umwanda. "Mutila, taata wanko, taata wabengi, nibanga abana abo mukwete nomba?" Bakapumya!

¹⁶⁰ Nomba, bushe tamwamona inshita? Bushe tatusimwene, ilyo inshita shimo isho twapepelepo icintu cimo, cena tacacitike?

¹⁶¹ "Umwaume umukote uyu ekele apa," efyo balanda. "Alipofula. Ninkoma matwi. Nicibulu. Mulwele. Acita *ici*. Kabiyeni tuyemundapa, mwebakaposhya yamaka yakwa Lesa. Twala cicetekela."

¹⁶² Bushe baleluka ukutila niciwa umowine uwatile, "Fumeni pa lupanda, kibili Nalacetekela Imwe. Sanguleni aya mabwe yabe umukate, kibili Nalacitetekela"? Mwamona? Ulya ciwa umo wine uwakakile icisalu pamenso yakwa Shikulwifwe, nokumuma Ena pamutwe necimuti, kibili atile, "Nomba, nga Iwe uli kasesema, twebe ifwe uwaci Kuma, kibili twala Kucetekela."

¹⁶³ Ukuba, namwishiba ukutila Alishibe uwa Mumine. Nga alipilibwile amabwe ukuba umukate. Nangu, Ena nga alifuminepo pa lupanda. Lelo nifincinshi ifyo twingaba ileelo nga Ena alicitile ico? Mwamona? Tabaishiba ubutantiko bwakwa Lesa. Mulingile ukusanga ifyo Lesa alaile.

Nomba Ningile ukwangufyanya.

¹⁶⁴ Nomba, nomba bena limbi nga batile, "Taata uwanko, twacimyufwa, imyaka amakumi yabili na isano iyapitapo, mutila muli nokukwata umwana muli Sara, kibili ukufuma muli ico mwali nokwisa inko isha bantu. Nibanga abana abo mukwete pali ino nshita, taata uwa nko?" Huh! Mwamona? Uyo eumo wine umupashi wakale uakususha.

¹⁶⁵ Cinshi ico Abrahamu acitile? Atile, "Ena tapempenwike pa bulayo, ubwa kukanacetekela."

"Malandunshi, apa wapepelele *Wakuti-na-wakuti*, kibili bena tabapolele."

¹⁶⁶ Cilya tacisakamika. Nga cakuti Napepelela amakana ikumi muli ino nshita ya bushiku, kibili amakana ikumi bafwa mulucelo, mailo munshita ya bushiku Ncili ndesuba abalwele no kubapepelako. Lesa efyo asosele. Mwicileka, nangu panono. Lesa alilaile *ici*. Nincacetekela. Mucine. Tacilepanga ubupusano ifyo balelanda, nalyo line. Lelo, bakapumya. Kulya kusebana kwa Cebo.

¹⁶⁷ Abrahamu, ukwiminina pa Cebo cakwa Lesa, mukulekelesha Cena califikilishiwe. Oh, mwe!

¹⁶⁸ Moneni ukupumya kwa kukanakwata umwana. Ukumupumya, kibili nomusebanya wa bungumba, pakubala. Bena balikwete... Ashipikishe mukusebana ukwa kuba ing'umba pali yonse ilya imyaka. Ena ali mupepi nemyaka ya kufyalwa umwanda. Aali amakumi pubula, ne Cebo cakwa

Lesa icalandile ukutila naena kuti aba *namfumu*, nyina wa mwana uyu. Kabili ena na Abraham, ing'umba, bonse babil i-i mibili yabo iyafwa nganshi, lelo nomba tabatalile ukutwishiaka cilya Cebo, nangu panono. Lelo bena balishipikisha muli cilya, pakubala. Kabili elyo, alleluya, Lesa asungile i Cebo Cakwe, munshita ya mfifi: Isaki afyelwe. "Kabili ulubuto lwakwe luli nga umusensenga wakuli bemba nangu intanda sha mu Muulu." Mwamona? Lesa lyonse alasuka i Cebo Cakwe. Ee. Ukuba ingumba pakubala, nomba Isaac.

¹⁶⁹ Zakariya na Elisabeti, nga ifyo fine, ulya umukote umwaume no mukote umwanakashi, baali abaikatilila. Kabili ilyo Zakariya aishile kulya, kabili nokulemba peseleti, nokutila, "Malaika alinkumenye, alinjebele ukutila Ndi nokukwata umwana ukufuma kuli Elisabeti, umukashi wandi umukote uyu. Teti nande nakabili. Ndi cibulu. Nkaba cibulu mpaka ubushiku umwana akafyalwa. Lelo umwana aleisa, kabili ali nokuba kasesema wa uyo Uwacilapo. Akalangisha u Lutanda lwa Lucelo. Ena ni katangilila wakwa Messiya." Musango nshi lwena lwingatala ukuba?

¹⁷⁰ Bamo batila, "Umwaaume umukote umubusu. Oh, Nde—Nde elenganya ukuti alifulunganako, namwishiba. Kuliko icintu cimo icinono. Lelo lolesheni kuli Elisabeth umukote kulya, imyaka amakumi cine konse konse. Kabili lolesheni—lolesheni—lolesheni kuli Zakariya, umukalamba kabili aletutuma, kabili nomba alelanda icintu ica musango nga filya. Ukuba, umuntu umukote umubusu."

¹⁷¹ Lelo alikwete i Cebo cakwa Shikulu. Umusebanya waba ngefyo, mpaka aifishile umwine panshiku ishingi. Lelo ena aikele ne Cebo. Oh, owe!

¹⁷² Ukuvana ukulumbuka, ukuvana itontonkanyo lya bantu bonse, akene ifyakusuba ifya ilya nshita, kabili nefyamicitile nefintu fyanshiku shabo. Balicikene. Balikene ukwenda pamo nebumba lya bashacetekela. Balikene ifintu ifya mwisonde. Bali nokucicita, ukwikala ne Cebo cakwa Lesa. Balingile ukucicita cena.

¹⁷³ Efyo cili neleelo. Uleipatula wemwine kufintu fyonse kanofye iwe na Lesa. Tefintu ifyo ichalichi cicita. Fintu ucita na Lesa. Mwamona? Niwe, pamo nga umuntu umo. Ee.

¹⁷⁴ Lelo lolesheni pafyo Lesa amupele. Ilyo Yesu Umwine aisa, Zakariya alile, Elisabeti, pamo. Lelo ilyo umwana wabo aishile mu matololo, na EFYA SOSA SHIKULU, Yesu atile, "Takwatala akubako umwaume uwafyalwa ku mwanakashi uwali umukalamba ngefyo ena ali." Amen. Cinshi? Aculile ukusekwa kwa ng'umba. Aikele pa Cebo, nokukwata umwana wa musango nga filya.

¹⁷⁵ Nga filya Sarah uwakale, nga Abrahamu uwa kale, abantu abakote baikatilile kuli Cena. Moneni, uwacilapo

pabafyelwe, "kwati munsensenga wamuli bemb," takwaba umutundu wabantu mwisonde abo bonse aba ba Yuda. "Kwati munsensenga wamuli bemb nangu intanda sha mumuulu." Nifinshi fyacitike? Cacitikile ku bantu abali abanono, umwana umo.

¹⁷⁶ Nomba mulemona uko Ndeya. Umwana umo, efyo casendelefye. Casendelefye umwana umo ukusunkanya inko kibili nokusontelela kuli Messiya. Casendele umo, uwacumfwila. Ico nacilungama. Lesa afwayafye umuntu umo. Efyo Afwayafye, umo Engakwata ishiwi. Efyo Afwaya, ukukwta umuntu umo mubutungulushi Bwakwe. Oh, ifyo Atemwa ukubula umuntu umo!

¹⁷⁷ Abulile Noa, inshita imo. Abulile i—Abulile Mose, inshita imo. Ali bu—bulile Yeremiya. Ali bu—bulile Eliya. Abulile Eliya. Abulile Yohane. A—Alabula... Alibulle Samson. Nga kuti akwatafyé umuntu umo uyo Engatungulula, ilyo e Shiwi lyakwe. Ena kuti alanda ukupitila muli cena. Ena kuti aebaula isonde. Oh, owe!

¹⁷⁸ Efyo Akabila nokunina, ukukwata umuntu uyo Engatungulua, "Icakuti Nande ukupitila muli ena. Kutि naleka i Shiwi Lyandi ukwishibikwa. Nangula ali nokwiminina ukupita mumusebanya, lelo Nkalenga Ishiwi Lyandi ukwishibikwa." Mwamona? Oh, ee.

¹⁷⁹ Ukuba ing'umba, pakubala. Alingile ukukana kwata nangu cimo, alingile ukushipikisha umusebanya bwa bung'umba. Sara alingile ukushipikisha ico. Pamo na Zakariya na Elisabeti balingile ukushipikisha ico.

¹⁸⁰ Lolekesheni, ileelo. Nomba Nalasosa icintu cimo. Lolesheni ileelo kubana bakwa cilende. Ena alisenda inko mwifunde lya ifikansa fya calo ifya cilonganino, cilende nabana bakwe abanakashi. Lolesheni ifyo inkulo shafilonganino shaimine, kibili nafintu abashila bacepa. Mwilasakamana. Ikaleni ne Cebo. Cena cilifye bwino.

¹⁸¹ Limbi kuti bamipumya, abetwa bakakunkuluka-bamushilo. Kutि mwitwa fyonse, inshila yonse iyamashina ayabipa. Lelo, ikaleni apopene, Cena Cebo, musebanya wa Cebo, ifintu efyo bakalandia pali iwe.

¹⁸² Kuliko umulumento, limbi kuti aba pano luno lucelo. Nicibusa wandi; Jim Poole, Jim umulumento, abakwe—abakwe abantu. Balimwipwishe ubushiku bwapita. Ukuba, abatishiwe pano. Umo umuntu atile kuli ena, atile, "Nga iwe wali nokubatishiwa muchalichi, mulandunshi tawafwaile ichalichi icikalamba, icintu cimo?" Mwamona? Lelo amwene u Lubuuto. Lulya lwali elo. Mwamona?

¹⁸³ "Abana babashili balungami balifulapo ukucila abana babalungami." Ee. Cisuma. Efyo bacepa, ababalungami! Lolesheni ifyo bali akalibumba akanono munshita shakwa

Noa. Mwamona? Lolesheni efyo caali munshita sha Sodomu. Mwamona? Abalungami efyo bacepa!

¹⁸⁴ We bana ubwingi ebo cilende akwata! Akwatafye abana munshila yakale, lelo bonse bana bamucani. Cilende aleta cilende. Imbwaa ileta imbwa.

¹⁸⁵ Kibili Kristu aleta uwasubwa. Baibele ileta umulungami, eico tulingile ukwiminina neitontonkanyo ilya kuba ibumba ilinono. We cintu cakusenamina we!

¹⁸⁶ Lolesheni kwi chalichi ilikalamba ilya Efese, kwalifye ikumi limo na fibili muli cena. Ee. Lolesheni pebumba tukwete ileelo, ulubali lwabo. Ee.

Kwalifye imyeo cinekonse konse munshiku shakwa Noah.

¹⁸⁷ Kwalifye basano munshiku shakwa Loti, iyo, fine; Loti nomukashi wakwe, abana bakwe abanakashi bibili. Kibili asangwiike impinda yalibwe panuma afuma, pakulolesha panuma. Ukuba batatu babumine muli bulya bushiku.

¹⁸⁸ Kibili Yesu atile, "Nga fintu cali muli silya nshiku." Nacitulinga ukulola nokubikako amano. Abalungami banono icine cine! Lelo, nga lyonse, bakapumya bafwile ukusebanya. Icikwa-...Ukushipikisha umusebanya wa ng'umba, intanshi. Owe!

¹⁸⁹ Mfwilefyne ukwendesha. Ndi...Nshi...Ukwafwa ukusenda aba abaice. Shipikishenikofye panono. Mwamona?

¹⁹⁰ Abaume babafye cimo cine nga fintu baba. Nomba Nalalandia icintu cimo nakabili. Kibili Ndefwaya imwe... Kibili Nshishibe nga cakutila cena cileambulwa, atemwa iyo. Lelo nga cili pa tepu, Ndefwaya imwe mumfwikishe, imwe pali tepu. Mwicilufya, lelo cibelingeni. Umuntu nomba aba ngefyo aba Lyonse. Alelumbanaya Lesa pafyo Acita; ukulolesha pafyo Akakcita; ukukana lolesha pafyo Acita na pafyo alecita. Alaltasha Lesa pafyo Acita; nokulolesha pafyo Akacita; lelo talolesha pafyo Lesa alecita, kibili apo alapanya conse icintu. Ndesubila ukuti balacumfwa. Mwamona? Ukukana lolesha pafyo Alecita! Alishiba ifyo Acita; kibili alishiba ubulayo ifyo Akacita; lelo ena afilwa ukumona ifyo Alecita.

¹⁹¹ Oh, imwe ba Pentecosti, nga tamuli icilangililo ica cilya! Mulefwaya ukumona icintu cimo ukucitika: nga pe, icacitika pali imwe, kibili tamwacishiba. "Miku inga iyo Ena akutile, nge fyo nankoko acita pa twana twakwe, lelo iwe walikene." Mwatontonkenye sana palwa ntambi shenu ne filonganino ukucila ifyo mwacitile pa Cebo Cakwe no Mupashi Wakwe. Ee.

¹⁹² We kusebana kuli Maria! (Ilyo tuleisala.) We kusebana kuli Maria na Yosefe, pa Cebo Cakwe! Ni nshita ya Ciminshiminshi. Nacilapekanya ukutwalilila panonofye, lelo muli nokumfwa ifingi ifya cena pa cilimba kibili pakati ka bakakumba kibili nafimbipo. We musebanya we uwakwa Mary na Yosefe,

pakwikatilila ku Cebo cakwa Lesa icabulayo! Ibukisheni, nomba. Kabili ukupumya, kulya kwimya kwafipeni peni, ilyo balemona Maria alepita, pakumona Yosefe. "Uleupa cilende." Mwamona? Kabili ibukisheni, munyina, ubucende cali nimfwा muli shilya nshiku. "Nomba, musungeni ena ukukana ipaiwa. Ena ali nokuba nyina kulubali lwenu." Kabili, lelo, ibukisheni, inshitafye yonse, Lesa alebombela pali bena, kabili cali ukulingana ne Cebo. Kabili tabacishibe. Mwamona?

¹⁹³ "Nacisungu akakwata umwana." Yosefe alishibe cilya. Maria alishibe cilya, pantu, panuma ilyo i Cebo calembelwe, kwaliko Malaika uwalelanda kuli bena, ukulangisha, nangu ukulangisha i Cebo cine ico calembelwe, cilya cali nokucitika. Mwilotा nomba. Tontonkanyeni. Mupashi wa Mushilo aikile pe sonde; tatalile ukulanda ku lukuta lonse. Ena alandile kuli bena.

¹⁹⁴ Yosefe aloleshe. Kabili ilyo Malaika talamutandalila, atile, "Ukuba, nomba, Nalimutemwa. Lelo, Ndi muntu umulungami. Ine tekuti ngupe umwanakashi nga ulya."

¹⁹⁵ Kabili Malaika wakwa Shikulu amonekele kuli ena, muciloto, nokutila, "Yosefe, we mwana wakwa Davidi, witina ukubula Maria umukashi obe, pantu cilya icimitwe muli ena cakuli Mupashi wa Mushilo." Oh, owe! Ifyo caba icisansamushi! Mwamona?

¹⁹⁶ Kabili, Maria, munshila yakwe ukuya ku cishima. Nacisungu umunono, nalimo imyaka ya kufyalwa ikumi limo na cinelubali, ikumi limo na cine konse konse, ukuupila umwaume alyupilwepo kale kabili akwete abana bane; umuntu umukote. Kabili aali... Alimutemenwe, kabili taishibe umulandu. Kabili alimutemenwe, kabili taishibe umulandu. Kabili aba bali apa. Ukwisa, ukuya kucishima, ukuyasenda amenshi, kabili ukubelenga konse pafintu ifyo ena—ena aletontonkanyapo, Amalembo, ukwabula ukutwishi, kabili nomba u Lubuto Iwabyakwile pantanshi yakwe. Ilyo u Lubuto Iwabyakwile, kwaiminne Malaika.

¹⁹⁷ Muleelenganya ifyo Maria umunono aumfwile? Mwalitontonkanyapo pali ico? Ndesunguka nga cakuti aumfwile umwenso untu Naumfwile mailo.

¹⁹⁸ "Nakucelela, Maria!" *Nakucelela* cipilibula "leka." "Posako amano kufyo Nalakweba. Walishuka pakati ka banakashi, pantu walisaga ububile na Lesa, kabili uli nokukwata u Mwana. Ukwabula ukwishi, umwaume, lelo uli no kukwata u Mwana. Kabili nomufyala obe Elisabeti, aaba umukote, nao, naimita nankwe, kabili ali nokukwata umwana. Kabili ifiishibili fikacitwa."

Atile, "Bushe ifi fikaba shani, ukwishi, ukumona ukutila Nshaishi, umwaume?"

¹⁹⁹ Atile, "Mupashi wa Mushilo uli no kukukupa iwe. Wena uwa Mushilo uukafyalwa kuli iwe aketwa u Mwana wakwa Lesa."

²⁰⁰ Lekeni bakapumya basose ifyo balefwaya ukusosa. Alicishibe. Alishibe ukutila cikaba, pantu Lesa efyo asosele.

²⁰¹ Nomba, ifyo afwile aumfwile, bulya bushiku bwakubika kuli Shikulu, nangu ukwisa ku kusembululwa kwa Kanya, ilyo ena aleenda pamo noyu Mwana umunono mumaboko yakwe, nga *filya*. Kabili abanakashi bonse ukusunga intamfu shabo, bonse nefyakubil ifisuma, mukubika abana babo no kubakwata ukusembululwa, kabili mupepi nabonsefye baletinta akana ka mpaanga. Lelo alikwete utukunda tubili, ukuwamishiwa pakusambwa kwakwe. Akanya akanono nabakapomba munsalu, iyo bapanga ukufuma kwi koli lya pamukoshi wang'ombe, ikoli kabili ukukakapanuma yang'ombe. Ensalu yalimo mwitanga lya ng'ombe. Bena tabakwete nangu cimo i Cakwe. Bena bali ababusu nganshi. Kabili apa ena aliminine.

²⁰² Ukwabula ukutwishiwa, banamayo bonse baleiminina akatalamukila ukufuma kuli nacisungu umunono. Atile, "Mulemona, ena alikwata umwana wa mucani." Moneni ifyo Lesa alenga ifintu ukumoneka ifyaibela nganshi. Oh, owe! Atintilefye amasako palya pene pamenso yakwa Satana. "We fiko we! We kulamba! Ubucnde. Efyo efyo aba. Mucende." Tabalesheshe ukutunta mumutima wakwa Maria. Balesangwafye apatali Nankwe.

²⁰³ Bena bacili balecita icintu cimo cine, ukumwita Ena nomba, "Kakunkuluka-wa mushilo, nangu uwafulungana," nangu icintu cimo.

Maria alishibe Uwali umwine waulya Mwana. Atwalililefye, nangu cingaba ifyo.

²⁰⁴ Lelo, oh, bushe nga tabamwene ilyo, Simeoni, ilyo aikele kunuma mumuputule, ena alailwe? Ena aile, alesesema. Atile, "Shikulu amonekele kuli ine." Kabili atile, "Nshakamone mfwa..." Kabili ena ali amakumi cinekonse konse nafimbipo lilya. "Nshakamone imfwa ilyo Nshilamona ipusukilo Lyakwe."

²⁰⁵ "Oh, Simeoni, naukota, wemwana. Uobe—uobe... abakalamba alilenga umutwe wakwe, namwishiba, alibako... Mulekenifye abe eka. Tekuti alete ubusanso pali imwe. Tacene nangu umo."

²⁰⁶ Lelo Simeon alikwete i Cebo cakwa Shikulu, atile, "Namwene u Mupashi wakwa Lesa ukwika pali ine. Naliminine nokulolekesha pali Ena. Alinjebele, 'Simeon, waliba umuntu umulungami. Kabili iwe tawaye...Ine nala kutwala ubunte kunse kulya.'" Uh-huh. Epelafye

"Malandunshi Walacitila icamusango uyo, Shikulu?"

"Ulya mulimo Wandi."

²⁰⁷ Itontonkanyo lyandi, lyakutila kuti mucine Aitila amalasha pali bena, pali bulya Bushiku. “Mwalikwete inte. Mulandunshi tamwaumfwile kuli cena?”

²⁰⁸ Kuliko impofu iikalamba Anna, naikala mwi tempele, alepepa. Lesa asokolola kuli ena ukutila, “Simeoni nalungika.” Ameni. Ena taleishiba nga cakutila kasuba nangu nakufita, lelo alemona apatali ukucila abantu abengi ileelo abakwata amenso ayasuma. Alimwene, mu Mupashi, ukutila ukwisa kwakwa Messiya kwali mupepi, u Mupashi waleenda mumutima wakwe.

²⁰⁹ Mwamona ka Chalichi akanono akaliko? Zakariya, Elisabet, Maria, Yohane, Anna, na Simeoni; mutanda ukufuma muli ba millions abengi. Kwati ni munshiku shakwa Noa. Bali Mutanda. Lesa abombele pali cila umo muli bena. Bonse bali mukumfwana. Bonse baishile capamo. Ameni.

²¹⁰ Apa, pali Simieoni umukalamba. Kwaishile Umwana umunono. Tatalile umfwampo icili conse palwa ici. Umwana Uyu. Kibili nomba Simeoni alikele mumuputule, no Mupshi waishile pali ena, nokutila, “Fuma, Simeoni.”

²¹¹ Alile, aleenda, teshibe uko aleya. Kwati ni Abrahamu, alefwaya icintu cimo. Taishibe apo cabelele, lelo alitwalilile ukwenda. Panuma yakashita, aliminine. Kibili Mupashi wa Mushilo limbi alilandile kuli ena ukutila, “Ulya Ali palya.”

²¹² Aineme nokusenda, mumaboko yakwa Maria, Akanya nokukabika mumaboko yakwe. Aloleshe mumulu nokutila, “Shikulu, lekeni umubomfi Wenu nomba afume muli uyu mweo mumutende. Amenso yandi yalelolesha pe pusukilo Lyenu.” Icintu ico umuntu onse alessenteka, ifyo abanakashi baletaluka, eco Simeone atile, “Cena lipusukilo Lyenu, Shikulu.”

²¹³ Kibili pali ilya nshita, paishile umwanakashi umukote impofu, alepekesa mabantu ukuti apite, aletalantanta ukupita mumabumba. Kibili aishile kuli Ena, nokusesema nao, pantu ale Mufwaya. Aebele Maria ukutila, “Ulupanga lukalasa umutima obe, lelo Lukasokolola amatontonkanyo ya mitima iingi.” Mwamona? Nicinshi ico?

²¹⁴ Nomba, Ndeelenganya, bambo balya banakashi batile, “Nomba mulemona cilya! Mulemona libumba lya musango shani? Efyo cili. Mwamona? Nifyo fine. Mulemona uko cili? Ulya mwaume mukalamba, alifulungana. Ulya ali palya, naiminina ku cinso ca ulyo mukashana cilende, ukwesha ukusosa icintu nga cilya. Mwacimone co. Uyo Mwana wamucani. Moneni ulya Anna umukalamba, ekala palya, alefwa ulushile kunsala, kibili nokutwalilila nga filya. Takangalepo nga fintu tucita. Lelo, mwacimona ico, mwamona. Ena kuti aba mutubungwe tonse utwamucalo muno. Afuma mulupwa ulusuma icine cine, mwamona, kibili kuti aba uwamulupwa lulya lwine. Lelo ulya ali palya. Moneni ifyo lilye bumba lilongana capamo?” Oh, ee. Ameni.

²¹⁵ Icintu cimo cine ileelo. “Ukwikala muncende shamu Myulu muli Kristu Yesu, ukwimishiwa kuli Mupashi wa Mushilo.” Mucine. Ee, mukwai.

²¹⁶ Oh, bushe natukwatako inshita naimbi iinono? Ningile ukusosa icintu cimo. [Ulukuta lwatila, “Ee.”—Ka.]

²¹⁷ Ninkwata umuntu umbi pano, Ndelolekesha pali, pali ilya nshita ilyo i Cebo calelengwa ukumonekela, kubantu aba mano.

²¹⁸ Nacilakabila ukukwatako inshita yakuti, Fred, ubelenge cilya. Naucikwata mwitumba lyobe? [Munyina Fred Sothmann atila, “Ee.”—Ka.] Ndeelenganya mwebengi namucimona muli magazini.

²¹⁹ Icintu ico Mupashi wa Mushilo alandile pansi pa mumana, imyaka amakumi yatatu na-itatu iyapitapo, bali cimba. Mumupundu milimo pa 9, ukucishiminkisha, kuli balya babebeta imyulu, ifyo i—Jupiter nashimbi intanda mwibumba’!

²²⁰ Balikwata ifyakubebeta imy-...ifyashilwa pali ico, balimba. Iyo enshita akalibumba kalemoneka, mumabumba yantanda, nokuposa imyengelele pansi pa ukulola ku Babylon, kibili nabamano bakasangile. Ibkisheni? Balitolweke inshila isho baleendamo, yalemonekela mupepi, amabillioni imyaka mukutalukana. Kibili abo aba Yuda abamano abali ku Babylon, balimwene ako kalibumba kantanda kaisa mwibumba, lya ntanda. Shitatu shaishile, capamo, no kupanga luloy lutanda lumo ulwa lucelo. Kibili balishibe ukutila ku Cebo cakwa Lesa, ilya yali ninshita, ilyo shilya ntanda shaishile capamo, ukutila Messiya aali nokuba pesonde.

²²¹ Ulya emulandu wine batendeke ukutila, “Ali kwisa, Uwafyalwa Imfumu yaba Yuda? Ali kwisa? Kuncende kumo! Pantu, ilyo shilya ntanda shaishilemo, mpaka imibili yashio iya kumulu yaishile muli uyu umo ukalamba umubili uwa mu mulu pano, nga filya fyaba fitatu, Messiya akaba pesonde muli ilya nshita.” Kibili ilyo baendele mu nshila shabo, balya bantu balishibe ukutila Mesaya ali pe sonde.

²²² Bali abakanshiwa ciputulwa ca mibombele yabo. Bali abantu abakalamba. Bali abakanshiwa muciputulwa ca scienci ya mipepele. Bena baleolekesha ulubali lwa bukapapa ulwa cena. Kibili balimwene isho ntanda shasela kwishilya, Jupiter na Sargas, kibili nomba shaselela mumulongo wa—washiko. Kibili batile, “Natwishiba ukutila Messiya ali kuncende kumo. Eico, Ena alingile ukuba mu Yerusalem, pantu ilya ncende ikalamba yabukapepa bwesonde, bukapapa bwakwa Messiya. Uyo emusambo. Emusambo wafilonganino. Palya epo ibumba ilikalamba ilya bukapapa lyaikala.”

²²³ Kibili napangamali baile, imyaka ibili, pansi ukutoloka Icimana ca Tigris, nokupita mumateshi, baleenda, baleyka kumusumba, imitima naisulamo insansa.

²²⁴ Balishibe ilyo shilya ntanda shakobeme mulya. Kibili neco, nabakacefywa myuulu batila, ileelo, “Nga cakuti, shilya ntanda, shaisa muli ilya ncende nakabili, kuti capanga ulutanda lumo, ukufuma apo baiminine, ukulolesha.” Lelo balinokwiminina ukufuma palya pancende, ukuti balumone. Ameni. Ameni.

²²⁵ Cilifye napowiminine. Cilifye nefyo ulelolesha. Uh-huh. Ee.

²²⁶ Eico balilumwene, kibili balilukonkele, kibili bena balifemu mulongo. Te mulandu uko balusangile, lwalifye mu mulongo pamo nabena. Lwena lwalibatungulwile. Mwamona?

²²⁷ Iyo enhila ufwile ukukwata Amalembo ayatantama, ifintu fyonse, nomba ikaleni muli uyo mulongo na Malembo. Enshilafye. Yali nokumitungulula ukuya kuli Ena. Nifyo fine.

²²⁸ Nomba moneni. Aba baisa, baleita ukutila, “Alikwisa Ena, uufyelwe Imfumu yaba Yuda?” Mu Yerusalem, Ulutanda lwalibatungulwile ukuya kulya kwinefye, ukutontafye kumusambo ya filonganino. Lelo ilyo balwile kumbali pali cena, Ulutanda lwalibashile. Mu musumba balile, uku no ku mumusebo. Batontonkenye ukuti umusumba ukaba uwaisulamo nensansa shakwa Lesa. Uku-no-ku pamusebo, nensansa, baile, balebilikisha, “Alikwisa uufyelwe Imfumu yaba Yuda? Twalimwene ulutanda Lwakwe ilyo twali ku Kabanga, kibili natwisa ukuti tu Mupepe.”

²²⁹ Ibukisheni, u Lutanda, baile lwaku mboshi. Bali ku Kabanga. “Lwakumboshi lulebatungulula, bali baleenda. Tutungululeni ku...” Mwamona? Balifye aba...Bali... Ukuba, Babylon na India fyaba lwaku Kabanga lwa Palestine, pakati kakukapinda kakukulyo nakukabanga. Kibili baleya ku Mboshi. “Ukutunguluka lwakumboshi,” namwishiha ulwimbo, “tucili tuleya. Tutungululeni ku Lubuto ulwapwililika.” Mwamona? Bena, abaume aba mano, baleisa ku mboshi. Ukuufuma ku Kabanga, ukuya ku mboshi, kibili balimwene lulyo Lutanda. Nomba, nga bena bali ku Masamba, ukulolesha kunuma, bena taba Lumwene. Mwamona?

²³⁰ Bena, ilyo bafikile kulya, Lwabatungulwile kulya kwine, elyo Lwabasha. Kibili batontonkenye ukutila, “Ulu luliapa. U Lutanda naluya, eico apaluli.” Bali mumusumba. Eico, “Oh, owe,” batile, “cila muntu aleimbafye no kusangalala. Ubukata bwakwa Lesa nabukosha ifintu fyonse. Eico, ifwe tuli pano. Twalishiba ukutila ifyesu—ifwe twalishiba kulya kubomba kwesu, ilyo tulelolekesha yalya amabumba’, tapali nangu umo, uwinganina palya nokutinta intanda pamo. Kibili twalishiba, ilyo cilya—ilya shilya intanda shaisa muli ulya mubili wamumuulu, ilya enhita Messiya ali pesonde. Messiya ali pesonde.”

²³¹ Kibili nacila imyaka umwanda umo, shilapita mukalibumba nakabili, mwamona, kibili nomba kwaisa icabupe pesonde. Moneni.

²³² “Messiya ali pesonde, ilyo lilya—ilyo lilya ibumba ly a ntanda ly aishile capamo.” Kibili shalishibe ukutila Epo aali, shaile kumusambo wabukapepa, kibili nokuya, nokutila, ukuya-no-kubwela mumisebo, iyi ngamali, “Ali kwisa? Ali kwisa? Alikwisa uufyelwe Imfumu yaba Yuda? Twamwene ulutanda Lwakwe ku Kabanga. Ali kuno kuncende imo. Alikwisa? Alikwisa? Alikwisa?” Huh! Wemusebanya we!

²³³ Baile kuli shimapopo mukalamba. Atile, alisosele ukutila, “Cinshi cilubene naimwe mwe bantu? Mulandunshi, mwebumba ly a mashilu!” Mwamona? we musebanya we, pafyo babombele ifya scienci! Ku maka yakwa Lesa, balimwene u Lutanda Lwakwe. Kibili bali abaume abamano, abacenjela. Bali mwibala ilya scienci iyabukapepa. Kibili balishibe, ilyo shilya intanda shafikile kulya, Messiya ali kuncende imo. Kibili apa, incende iyalingile ukucishiba, tayaishibepo nangu cimo palwa Cena.

²³⁴ Kuti naelenganya, abana nabeminina mumusebo, baleti, “Ha! Lolesheni kuli cilya. Ha! Aba libumba lyamashilu. Umfweni kuli bena, baletila, ‘Alikwisa, uufyelwe Imfumu yaba Yuda?’ Tabaishiba ukutila Herodi emfumu kuno. Tabaishiba Bishopo Wakuti.” Oh, owe!

²³⁵ “Ali kwisa uyo uwafyalwa Imfumu yaba Yuda? Ifwe twamwene u Lutanda Lwakwe kukabanga.”

²³⁶ Batila, “Isa kuno, bonse imwe mwebamano pano, mwebali pano.” Uh-huh. “Iseni kuno. Bushe bonse mulemona u Lutanda lwandi ukuli konse?”

“Oh, Nshatala monapo icintu icaba nga Cilya.”

²³⁷ “Bonse mwebabebeta imyulu iseni kuno. Bushe namumonapo u Lutanda kuncende iili yonse?”

“Iyo. Iyo.”

“Bushe namumonapo icintu icapala nge cishibilo iceni?”

“Iyo. Tatumwenepo icintu icapala ico. Iyo.”

²³⁸ Tatulati, naifwebene. Cintu cimo cine. Tabamona nangu cimo. Teti ba Cimone.

“Uh, lekeni twite ba—bakapyunga. Nga imwe bonse?”

“Iyo. Ifwe tatwatala monapo u Lutanda.”

²³⁹ “Ukuba, nga imwe bane mebasunga inshita, kunse kucibumba? Mubebeta intanda. Bushe mwalishiba... Mwalishiba ukwaba akalibumba akannono kantanda konse’ akaba mumyuulu. Mwalishiba ulutanda lonse. Bushe mwalimonapo ululi lonse?”

“Iyo. Tatwamwenepo nangu cimo.” Lelo epo Lwali.

²⁴⁰ Ubukata kuli Lesa! Oh, owe! Bushe teti mu Lumone? Epo luli nomba kibili teti ba Lumone. Cilecitika, ukubashinguluka, kibili teti ba Lumone.

²⁴¹ “Iyo. Tatwamwenepo nangu cimo. Oh, Nalile kulya kwine. Nshamwenepo nangu cimo.” Mucine, teti ulumone. Walipofwisha.Tecobe uku Lumona. Mwamona? Nga walipofula ukufika uko, mulandunshi, mucine, tawa Lumone.

²⁴² Nikuli balyafye abo Lesa ali noku Cisokololako. Ebaka Cimona. Enshila cibelamo lyonse. Mucine.

²⁴³ Ni Noa ewamwene imfula mumulu, namwishiba, lelo abashala tabaimwene. Mwamona? Tabamwene imfula kumulu kulya, lelo Noa ali imwene.

²⁴⁴ Ni Abrahamu ewamwene Sarah nalela umwana. Ico nacilungama. Te bakapumya abatile, “Taata wa nko, nibanga abana abo mukwete nomba?”

²⁴⁵ Kuti twaisa tuletentemuka mu Baibele, abamano nabakasesema, ukupita monse! “Icicetekelo ecishininkisha fiint ifishimoneka.” Balishibe ukuti i Cebo calisosele ico, kabiliepo caba. *Apa epali icakushininkisha.* Balacimona. Nomba moneni. Oh owe!

“Abamano besu tabalumona lulya Lutanda. Takwaba nangu cimo kuli Lwena.”

²⁴⁶ Mulandunshi? Mucine, ilyo baleolesha, kibili baingila mwibumba lya musango uyo, u Lutanda lwalifuminepo.

²⁴⁷ Cintu cimo cine ileleo. Cilya ecicimya u Lubuuto ulwingi, ico nacilungama, kuisansha mwibumba lyaba ngafilya, ilisha Cicetekela, mukutendeka. Kibili tuli nokukwta shani ukwampana kwa—kwa machalichi? “Tuli nokwenda bonse shani kano natusuminishanya?” Bushe isenge lya...ilya ici apa, isonde-lyonse, fyonse i—ifichalichi, amachalichi ayaampana ayesonde? Kuti twa ampana shani, ilyo twalitalukana ba mailoshi? Mwamona? Bushe tukacicita shani ico? Ba Evangelical naifwe, *neci*, na *cilya*, na *cilya* kibili nafyonse pamo, kibili nomba ukwampana capamo nebumba lyakoweshiwa.

²⁴⁸ Lesa alesenda Umukashi uwabula akalema, umulungami, uwabula ukukoweshiwa, uwikala ne Cebo Cakwe. Cisuma.

²⁴⁹ Ukusebana kwakwa Yesu pa Cebo. (Kibili nomba twalaleka, muli miniti imo.) Yesu bali musebenye kumulandu ne Cebo. Lolesheni kuno. Musango nshi Enga shipikishishamo mukusebana, ilyo Aali uwa bu Lesa, Lesa mumubili? Aali ni Lesa, Umwine eka, ukupangwa umubili.

²⁵⁰ Nomba, mwalishiba ukutila Baibele yalilandile ifyo. “Ifwe twali Mwikete. Ba Malaika bali Mumwene.” Tontonkanyenifye pali ico. Ndecetekela Timoti acibika mumusango nga filya. Mwamona? Ukutila, “Ukwabula ukupililikana ikalamba inkama

yabukapepa; pantu Lesa alangishiwe mumubili, amwenwe kuli ba Malaika.”

²⁵¹ Ba Malaika bali pa kufyalwa Kwakwe. Ifyo ba Malaika bafwile baloleshe pansi no kusangalala, ilyo baloleshe pe1samba lya mulimba nokumona Lesa mu mubili. Ameni. E mulandu wine batendekela ukubilikisha ukutila, “Ileelo, mumusumba wakwa Davidi, nakufyalwa Kristu Kapususha.” Ba Malaika balisekelele, kabili balilashile amapindo yabo ayakulu capamo, kabili pamulu wampili sha Yudea, bena balimbile, “Ubukata mumyuulu yapulamo, umutende pesonde, kabili icintu icawama kubantu.” Balimwene i Cebo cakwa Lesa, ukutila balolekeshe pali Cena, ukumona ukuti Cilangishiwe. Kabili Cali palya.

²⁵² Nomba, Satana tacetekele cilya, namwishiba. Atile, “Nga Iwe uli . . .”

Malaika atile, “Ena efyo aba.” Bulya e bupusano.

“Ngackuti Waba, cita *ici-na-ici*. Natumane Iwe ulecicita.”

Lelo Malaika atile, “Ena ali kulya.”

²⁵³ Abaume abamano na scienci yabo iya bukapepa, batile, “Ena ali kulya.” Ameni.

²⁵⁴ Emulandu bakemba wamisumba yakale nafyonse ileelo baleimbila ifi fintu, ifya sesemwa imyaka inono iyapitapo, cilya cikesa fikilishiwa. Kabili aba bali apa, baleimba. Bena tabatalile nangu . . .

²⁵⁵ Takwaba ilyashi lyakale ilyo lyatalile ukusosa ukutila Pontius Pilato aali pesonde. Bushe mwalishiba ico? Bamo pali imwe mwebana bamasukulu munjebe pancende epo batila kwaliba Pontius Pilate. Kabili abashacetekela balapumya pali cena no kucishenteka, atile, “Takwatala akubako ci—cilolo uwa ci Roma uweshina, ci—cilolo uwitwa, Pontius Pilato.” Lelo limbi imilungu mutanda iyapitapo, balimbile ilibwe lya pacifutu: Pontius Pilato, cilolo. Oh, owe! Ubuwelewele bwa musango ngefy!

²⁵⁶ Batile, “Takwatalile akuba Rameses mu lyashi lyakale, Rameses ukutungulula Egypto.” Lelo balimbile ilibwe, bakemba ba bwikashi bwakale: Rameses, wacibili. Moneni.

²⁵⁷ Kabili bena batile ukuti filya ifibumba tafyatalile ukupona pansi. Bakemba bamisumba yakale baleimba, kabili, kupulikilwafye, baimba, pansi pantu ifibumba fyaponene ku Yeriko, namwishiba, ilyo ipenga lyalilile. Batile, “Ico cali cakwelenganyafye, ulwimbo ulwaimbile umuntu umo, balwimbile kukale kulya.” Ee. Kapumya efyo alanda. “Ifi fyakwelenganyafye. Takwatalile akuba icintu icaba nga ifibumaba ukupona, kabili Yoshua ukulisha ipenga, nokubutukila kufibumba kabili fyapona. Takwatala akubako icintu ica musango ngoyo.” Kabili umo kemma wa misumba

yakale umwina Kristu, atwalililepofye ukwimba, pantu alishibe ukutila cifwile ukuba ifyo fine. Kabili aimbili amakumi yatatu-bafiti, ukuya panshi ukucila apali bonse. Apo pali ifibumba, nafilikana cimo pacinankwe, nga fintu i Cebo calanda.

²⁵⁸ Batile, "Takwatalilebapo icintu icapala nga Davidi alelisha icilimba cakwe, isese lyantambo, pantu inyimbo shakulisha intambo takwali mpaka ilyo papitile imyaka ikana limo nemyada isano." Ukutila, "Takwaliko icintu icba ngefyo." Bakenmba ba misumba yakale abena Kristu balimbile, kulya ku Egypto. Amakana yane imyaka yapitapo, balikwete ifilimba fyantambo. Ameni. Oh, Owe!

²⁵⁹ Batile, palwa bana ba ci Hebere ukubapanga amabwe nefintu fyaba ngefyo, ukufuma mu mpimbili, "Takwatalile akubapo icintu caba ngefyo." Bakemba ba misumba yakale bailefye baleimba kulya. Nifinshi basangile? Iyo ni scienci. Nifinshi basangile? Ifibumba fya misumba iyo aba Hebere bakulile, amabwe yakubalilapo yali nimpimbili iitali. iya cibili yaputawilwe mu tupimfyा utunono utwa milumbe; kabili ica citatu tacawkete mpimbili muli cena, nakalya. Oh, owe!

Inko shilepatukana, Israeli alebuuka,
Ifishibili ifyo bakasesema balandile libela;

²⁶⁰ Ee, mukwai. Cena calisefaye kuli ifwe, munyina, nkashi. Mulandunshi cabela ifyo? Mumyaka iinono iyapita, icalo cabunkolanya acatala citapo ifyo cacita. Pacitunshitunghi paishile filimu ya *Mafunde Ikumi* iyalembelna Cecil DeMille. Pacitunshi tunshi paishile umweo mwakwa Yesu Kristu ukupitila muli *Ben Hur*. Pacitunshi tunshi paishile *Kaloba we sabi Umukalamba*, ukupilibula kwakwa Petro. Kabili fyonse ifi bwangalo bwa bukapela, ubo ubunkolanya bwalikana, nokutila fiko, nokuposa. Lelo, Lesa, mumaka Yakwe ayapulamo, aleciposha, umusango umo wine.

²⁶¹ Ino ine nshita, filya fintu ifyalandilwepo imyaka iinono iyapitapo, umupina, umubomfi umunono uwaicefyा, nemwine, uwakwa Lesa, Natile, "Kuli u Lubuuto ulwa iminine nokulanda kuli ine, kabili nokunjeba ifintu ifya kucita." Abantu balisekele nokutila, "Nafulunganako panono." Kwaliba icikope palwa Ici. Scienci yali Cikopa. Eko caba. Ico Cine.

Natile, "Umwankashi nakupwa kumfwa."

²⁶² Batile, "Icinshingwa, nomba, bulya buwelewele. Apangafye cilya mumano yakwe."

²⁶³ Paliba icikope palwa ici. Lesa akalenga amabwe ukulila. Acita ifyo Alefwaya ukucita.

²⁶⁴ Yesu, umusebanya pa Cebo. U Mwana wakwa Lesa uwa bu Lesa naiminina palya pene, Emmanuel, we musebanya we! Lekeni uushacetekela umubembu a Mukakile, a Mufwishile pamenso, kabili anukule utupo twamwefu, kabili a Mubece

ukucitapo icintu nangu cimo. Ukusebana pa Cebo! Uh-huh. Niinshi? Ukufikilisha i Cebo cakwa Taata. Owe! Lelo, ibukisheni, Ena alingile ukwiminina ukusebana kwa mfwa. Lesa, Uushingafwa, kabilo Umofye uwingafwa ukuti apusushe umubembu. Tapali naumbi, tapali uwabubili nangu uwabutatu, uwingacita ico. Lesa Umwine eka Umofye ewingacita ico. Kabilo Yyu wali apa.

²⁶⁵ Atile, “Takwaba umuntu uwaya kumuulu kanofye Uyo uwaikile pansi, nangu u Mwana wamuntu uyo uuli nomba mu Muulu.” Ameni.

²⁶⁶ Batile, “Bashifwe balile manna mumatololo.”

“Kibili bena balifwa,” efyo Atile.

“Kibili Mutila Muli Mukate wa Mweo?”

²⁶⁷ Atile, “Ilyo Abrahamu talabako, NABA. Ndi Mukate wa Mweo. Nine NABA.”

²⁶⁸ Batile, “Iwe taulafika nemyaka ya kufyalwa amakumi yasano, kabilo uletila Iwe ‘walimwene Abraham’?”

²⁶⁹ Atile, “Ilyo Abrahamu aali, Ine NABA.” Kibili aleka ababembu ba Mukakila, ichalichi cacilonganino, uku Mukakila.

²⁷⁰ Muleibukisha, mu bushiku bwa kulekelesha, ici chalichi icanonka ica Laodikea, ba Mufumishe kunse, nangula, ukwa chalichi. Mulemona apo cibelele nomba? Bushe kuti mwamona umulandu Ndelandila ukukana suminisha iyo mibombele?

²⁷¹ Mulandunshi Yesu asuminishe ababembu uku Mukakila? Cali ukufikilisha i Cebo, ukuleta umsebanya kuli Lesa, ukufwa. Lesa alingile ukufwa. Ena alingile ukuba umubili, pakutila engafwa. Kibili Yesu alishibe cilya. Ena alibebele palwa ici. Atile, “Onauleni ili tempele, kabilo Nkalibusha nakabili.” Te muntu umbi ukulimya. “Nkalimya. Munshiku shitatu, Nkalibweseshapo nakabili. Mukalyonaule. Nkalimya. Ngefyo Yona ali mwifumo lya cisabi, pa nshiku shitatu akasuba no bushiku, efyo no Mwana wa muntu akaba mumutima wesonde.” Kibili bena tabailwike ici. Mwamona? Ukusebana pa Cebo, Ena—Ena alicitile ico.

²⁷² Nomba, ukumupumya ukufika nakumfwa, ukwima nakabili ku Mweo wa Muyayaya. Ali nokwipaiwa, icakuti Engema ku Mweo wa Muyayaya, nokuleta umuntu onse (uyo wali mumibebe Yakwe) ku Mweo wa Muyayaya, uyo uwinga Usumina. Mwamona? Asangwike umuntu, aba Kalubula wabalupwa, kabilo ashipikishe umusebanya uwakupumya konse, nokupangwa icakusekesha, pamo ngafintu fyacitike kubabomfi Banankwe aba Mutangilile. Nga filya Mose, nga Noah, nga bonse abashala balishipikishe kulya kupumya, Ena aali nokushipikisha ukupumya. Mulandunshi? Alikete i Cebo, kabilo Aali i Cebo. Emulandu wine bale Mupumisha ukucilapo. Aali uwabu Lesa kabilo i Cebo Icine. Alleluya! Ifyo efyo Aali.

²⁷³ Yesu atile, "Mwe babumbi mundamwe." Atile, "Mukuula imanda sha bakasesema, kibili nimwe bene mwababikile mulya. Bena baishile ne Cebo cakwa Lesa, kibili tamwabacetekete. Muli nomulandu uwa cila umo pali bena."

²⁷⁴ Ku Phoenix, ku luse lwakwa Lesa, Nasangile ishiwi ubushiku bwafumineko, Nalapela umulandu ino nkulo pa kwipaya Yesu Kristu, uku Mutanika cipyia cipyia, Nalaleta umulandu kuntanshi yakalya kabungwe kaba kapyunga, Lesa ngasuminisha. Bena bali nomulandu wa Mulopa wakwa Yesu Kristu, pa kutanika Cipyia cipyia. Ee, mukwai. Peleni umulandu bonse!

²⁷⁵ Petro alibapele umulandu, pa Bushiku bwa Pentecosti. Atile, "Imwe na maboko aya bupulumushi na mutanika Cilolo wa Mweo, Uyo Lesa aimishe. Ifwe tuli nte." Ena aletele umulandu.

²⁷⁶ Ndi nokusenda i Cebo cakwa Lesa, noukupela umulandu icilonganino conse icabapo, kibili umuntu onse pesonde, uyo uuli nomulandu wa Mulopa wakwa Yesu Kristu. Lesa ngafwilisheni ukuba ndubulwila Wakwe pali bulya bushiku. Ameni. Ee.

²⁷⁷ Oh, bakapumya bali Mushenteke. Ba Musebenye. Aikelefye Naco. Ameni. Oh! Moneni ifyo Acitile. Ali Mwana wakwa Lesa, ashikpishe ukufika kumfwa pakutila engepaya ulubembu. Alingile ukucita cilya. I...Iyo enshila imfwa ingepailwamo. Kibili Alicitile ici, nokushikishira mulico, pantu abashala bonse efyo bacitile.

²⁷⁸ Pantu, bonse kukale kulya balikwete icipasho ica Cebo cakwa Lesa. Pantu Yesu efyo alandile. "I—i Cebo cakwa Shikulu caishile kuli bakasesema. Kibili niwisa pali balya," Efyo atile, "untu bashinwe, abamipepele yakabungwe, tabatobele amabwe nokwipaya? Niwisa pali balya apokelelepo bakasesema? Nomba mulekuula imandaanuma baya." Atile, "Muli nomulandu wakubatwala mulya."

²⁷⁹ Nomba Abapele umulumbe pebala lya myangashi ilyo basonkeshe, kibili ababomfi balishile. Balibacushishe, nomba mukulekelesha batile, "Nomba twalaipaya umwana, pantu ena nimpyani." Mwamona? Oh, bena balikalipe ilyo bamwene cilya. Mwamona?

²⁸⁰ Lelo Ali nokushikishira umusebanya. Kibili apa Ali naikaka Umwine eka, balemutwala kumfwa, mukubikwa kumfwa, ukubwekeleshapo u Mweo wa Muyayaya. Ubukata kuli Lesa! Oh, ifyo Na Mutemwa! Ukubwekeleshapo u Mweo wa Muyayaya nokwimya umwana onse uwakwa Lesa ukupita munkulo, abo abaiminine na cilya Cebo nokufwala umusebanya. Ico nacilungama.

²⁸¹ Nga cakuti Taishile, Noa teti abuke. Nga cakuti Taishile, Eliya nga tabwelele. Nga cakuti Taishile, Noa nga tatalile buuka, nga Tacitile...nga cakuti Taishile. Pantu, Aali ulya Mwana

wa mpaanga uwalingilwa kabela, uyo waishile mukubika ukusebana pali Ena umwine, kabilo nokufwa imfwa ya Cebo conse icakwa Lesa ico alandile, kabilo eco naba abaume abalungami baimininepo. Ena ali nokuba ifyo fine. Takwali nangu umo uwingacicita ico. Lesa Umwine eka, kabilo Alishile senda icifulo, pakutila Engalubula nokupela u Mweo wa Muyayaya kumwana wakwa Lesa uwaiminina pa Cebo cimo cine kabilo uwinka sangwa mumusebanya. Umwana onse uwakwa Lesa, ukupita munkulo shonse, uyo uwingashipikisha mumusebanya, takwali nangu umo uwali no kumulubula, lelo kucitetekelo alimwene ulya Kalubula aleisa.

²⁸² Yobo ali Mumwene. Yobo aiminine inshita ilya, kabilo bena batile, “Oh, iwe uli mubembu wa mubumfisolo. Lesa alekucushafye, pantu uli mubembu wa mubumfisolo.”

²⁸³ Atile, “Nalishiba ukutila Kalubula wandi wa mweo. Pa nshiku sha kulekelesha Akeminina pe sonde. Nangu imititi ya mumunofu ikonaule uyu mibili, nalyo line, mumubili wandi Nkamona Lesa.”

²⁸⁴ Umukashi wakwe atile, “Malandunshi teti u Mutipile nokufwa?” Atile, “Ulemoneka ngo wa nkumbabulili uwabipa.”

²⁸⁵ Atile, “Iwe ulelanda ngo mwanakashi uwabula amano.” Ameni. Ulya Ali palya. “Ninjishiba ukutila Ena wa mweo, kabilo Akeminina pa Bushiku bwa kulekelesha.”

²⁸⁶ Nga cakuti Yesu taisa, Yobo nga talubwilwe, pantu Ena ali u Mwana wa mpaanga uwaipaiwe ukufuma ilyo mufula we sonde taulalengwa. Alishibe incende Yakwe. Alishibe icifulo Cakwe.

²⁸⁷ Ulya emulandu wine, Maria aishibe cilye cifulo, bulya bushiku ilyo afumine mulya. Atile . . . “Nga Ine . . . Iwe wali kuno, ndume yandi ngatafwile.”

Atile, “Ndume yobe akabuka nakabili.”

Atile, “Ee, Shikulu, mukubuka. Ena ali mulumendo musuma.”

Yesu atile, “Lelo NINE kulya kubuka. Bushe naucetekela ici?”

²⁸⁸ Atile, “Ee, Shikulu, Nincetekela ukutila Imwe muli Mwana wakwa Lesa uyo wali nokwisa mwisondé.”

Atile, “Nikwisa uko mwamushikile?” Oh! Mwacimona ico. Um-hum.

²⁸⁹ Alicishibe. Ulyo namayo umunono talelanda ico. Alikwete ifiwa cinelubali ifyatamfiwe muli ena. Alishibe amaka yakwa Lesa, ayo ayengasenda icilumba nokupelelwa mano neintu fyonse, ukufuma muli ena, ifingasenda kalya akanono, umupashi wa-kusukulu uwakuitemwa ukufuma muli ena, nokumupangga icimumbwaa cipyaa. Atamfishe ifiwa cinelubali. Balya abanakashi balishibe ifyo Ena aali, abo aba Musumine.

²⁹⁰ Balishibe ifyo Engabacitila. Eico neleelo balishiba, pamo. Cipokelelenifye. Ico ecintu cakonkapo.

²⁹¹ Epo Ali. Alilandile ico. Kibili Ena... Bushe mwalishiba icacitike. Oh!

²⁹² Bonse abengaculila i Cebo cimo cine, Afwilile uyo mulamdu. Ewingafwafwe Eka, ukucicita, pantu Ena aali Cebo. Aali Cebo, i Cebo icalangishiwa. Yonse ayashala mwaliko ukwibishiwa, lelo apa pali umwisulo wakwa Lesa, muli Ena. Aba Cimo cine ileelo. Aba Hebere 13:8 itila, “Yesu Kristu cimo cine mailo, ileelo, no muyayaya.” Kutikeni.

²⁹³ Ndeisala, mucituntulu. Ndi nokucita ico, mfwile nacita ico. Nimpitilila panshita.

²⁹⁴ Tatalile alembapo icebo cimo. Bushe efyo Acitile? [Ulukuta lwatila, “Iyo.”—Kale.] Tatalile alembapo icebo. Mulandunshi? Aali ni Cebo. Aali nicinshi? I Fyebo ifyalembelwe, Ena aali kumonekela kwa cilya Cebo. Ubukata! Whew! Nomba Ndeumfwa bwino. Aali ni Cebo. Tacalekabilwa ukulemba icintu nangu cimo. Aali Cebo, ici Cebo icaleshwa ukulengwa ukumonekela. Ubukata kuli Lesa! Ena aba cimo cine ileelo, mailo, ileelo no muyayaya. Ena e Cebo, i Cebo ukulengwo kumoneka.

Muletila, “Bushe ico nacilungama, Munyina Branham?”

²⁹⁵ Moneni Yehova ukwiminina kulya nokopishapo ukubyasha pali yalya mabimbi nga filya, nokupanga umusebo ukuti Israeli apitemo.

²⁹⁶ Moneni Yehova mumubili, ukutila, “Umutende, ba tondolo.” Ilyo amabimbi yalepuma palulamba, mumfula yacipupu, ciwa ukulaonaula ifintu fyonse, nga filya, Atile, “Umutende, ba tondolo.” Kibili yena yali Munakile; ifimyela na fyonse. Ena aali ni Yehova. Ameni.

²⁹⁷ Uuo Yehova uwingeminina nokwitila tumume utunono kunse, ukuleka twaponena psesonde kibili apangile umukate wakulisha abantu.

²⁹⁸ Aiminine nokubula isabi lisano, nangu bisketi ine nesabi libili, nokulisha amakana yasano.

²⁹⁹ Aali ni Cebo. Ameni. Ameni. Ena ni Cebo, kibili Akaba pe i Cebo. Kibili ine naba ng’anda yandi, tuli nokubombela i Cebo.

Oh, Ndefwaya uku Mumona, ndefwy
ukuolesha pacinso Cakwe,
Kulya ukwimba pe na pe pakusenamina
Kwakwe;
Pamisebo yaku Bukata, lekeni njimye ishiwi
lyandi;
Ilyo ifyakusakamna fyapita, nafika kung’anda,
ukusangalala pe.

³⁰⁰ Oh, owe! Ee. Shipikisheni ukusebana kwa Cebo. Kwaliba ukusebana ukwenda ne Cebo. Ikaleni abalungama ne Cebo, nokushipikisha mukusebana.

Natupepe.

³⁰¹ Mwe Yesu, ngafilya cali ubushiku bwafumako, Shikulu, Nalilile ukutila, “O Mwe Yesu, bushe nifinshi Mwalandenga ukucita? Nifinshi Ningacita, Shikulu? Ukumona ifi fintu, nokwishiha inshita iyo tuleikalamo, nicinshi ico Ningacita, Shikulu? Ni cinshi ico Ningacita?”

³⁰² Napepelako ichalichi candi icinono pano, Shikulu. Ndetontonkanya pa tuni utunono mucimonwa, ifintu ifyacitike; kibili ifyuni fimbì, ifyo fyali ifikalamba. Lelo fyapangile ifyailikwa fitatu, Shikulu. Lelo ilyo balya ba Malaika baishile ingila, takwali ifyuni ifyashèle. Inkcombe ishinono shaliwama, Shikulu, lelo Ndecetekela ukutila kuliko icintu cimo icili mupepi nokucitika. Lekeni cibe, Shikulu. Tubumbeni no kutulenga ukukonka inshila Yenu. Ifwe tuli—ifwe tuli ibumba. Imwe muli Kabumba.

³⁰³ Pali ubu bushiku ubwakuti mailo Ciminshiminshi, Shikulu, tuli abatotela pacabupe icakwa Lesa, pakutupela Lesa. Nangu ici cingaba ica, nga fintu twacetekela mumitima yesu, icakwelenganya icabusensi icabushiku baesha ukubulunganika nokucipanga kwati—kwati minsà, iminsa yakwa Kristu, lelo tatuleingilamo muli iyo nshila yakwa Santa Claus ne cimuti ca Chiminshiminshi ne—ne fyakukobaika. Lelo tuleisa mwi Shina lyakwa Shikulu Yesu, ku kushinshimuna Lesa uwa ku Muulu, cilya capangilwe mumubili, umubili uwapala ifwe, nokwikala mukati kesu, kukulubula; kibili apitile mukusebanya kwe Shina, apitile mukusebana kwa lupanda, ukuleka akabungwe kapanga icalo ukwipyà Emanwele, mukutilati Atuletele u Mweo wa Muyayaya.

³⁰⁴ Nifwe bani, Shikulu? Nifwe bani, ukuti tukane umusebanya uwngaba onse? Mwe Lesa tupangeni ukuba abashilika ababulamba. Nabika aya mashiwi kuli Imwe, Taata. Limbi bali abamokauka; abanaka kibili abafunshika nga fintu Ndi. Lelo, Taata, balambuleni aba bantu pakwikala nokumfwa. Kibili lekeni amaka ayaletèle Shikulwifwe, noku Muleta kuli ifwe pano ukuba Kapususha, muli ishi nshiku shakulekelesha, lekeni yacincimushe umupashi onse muno, Shikulu kukupalama kwa Kwisa kwakwa Shikulu Yesu. Lekeni cibe ifyo fine, Taata.

³⁰⁵ Undapeni abalwele na balecushiwa abali pakati kesu. Urukaka umutima-uwabulanda. Shikulu, ifwe tuli... Twalipita mufintu ifingi nganshi, umutima wandi walikwata ifibala ifingi nganshi palico, Shikulu, kumulandu wabulwi ubwakosa. Ndi ncenshi yakale. Ngafweni, Shikulu. Ndekabila ubwafwilishao Bwenu. Limbi konse ukukanshiwa uku kaliba nobupilibulo.

Ndecetekela cili ifyofine, Shikulu. Ngafwilisheni, O Mwe Lesa. Kabili afwilisheni ici chalichi. Kabili tupaleni, capamo.

³⁰⁶ Paleni abana abanono. Ndetontonkanya pabengi ileelo, abanono, abaice ababusu tabapokelele icintu nangu cimo kunse kulya. Kabili Nde—Ndepepa ukutila Muli nokuba pamo nabena n kubafwilisha. Bapeni u Mweo wa Muyayaya, Shikulu. Cilya ecikalamba . . . cilya e Cabupe ica Ciminshiminshi ico tulefwaya, e Mweo wakwa Yesu Kristu ukuteeka nokutungulula mumutima wandi. Ico eco Ndefwaya, Shikulu.

³⁰⁷ Tupaaleni, bonse pamo nomba. Tulepela ifi Fyebo kuli Imwe. Lekeni fiponene konse uko filefwaya, Shikulu. Konse uko umutima waisuka, lekeni filete ukukwata inshita iisuma nganshi iyepusukilo, mwi Shina lyakwa Yesu. Ameni.

³⁰⁸ Bonse abo . . . Nibanga aba Mutemwa? Beni mu kwangufyanya palwa ico, nangu cibe ifyo? Oh, Nali Mutemwa! Nali Mutemwa. “Shikulu, cinshi ico Mwalanenga ukucita?”

³⁰⁹ Mwilabako ukulongana muno bushiku. Namwishiba ifyo i Ciminshiminshi cipilibula nomba? Oh, *Ici* cabupe candi ica Ciminshiminshi. *Ici* ecilya Cebo. Shikulu, nga kuti Nailengafye nemwine, nga kuti Naifumyafye nemwine munshila icakuti i Cebo Cenu cinga Cilondolola, Icine ceka monse *muno*, ico—ico acikalamba icintu ico Naishiba.

³¹⁰ Nomba Ndetontonkanya ukutila nabawkwata ifintu fimo ifyo balefwaya ukupela kubana. Nomba Nalabwesesa ukutungulula ukulongana kuli Munyina Neville. Lesa amupaale.

Munyina Neville.



UMUSEBANYA PA MULANDU WA CEBO BEM62-1223
(The Reproach For The Cause Of The Word)

Iyi Mbila na Munyina William Marrion Branham yaletelwe intendekelo mu Cingeleshi pa Mulungu ulucelo, mu Mupundu milimo pa 23, 1962, ku Branham Tabernacle mu Jeffersonville, Indiana, U.S.A., yafumishiwa muli tape iyambulwa kibili nalilembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti ly a lembwa pali pulinta yapa ng'anda ku kubomfy a kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfy a ku kulomba indalam a ukwabula insambu shalembwa na ba Voice Of God Recordings®.

Nga mulefwaya ukwishesibilapo nafimbi nangu ukufwaya na fimb iifyabapo, twalomba tumeni kuli ba:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org